

鹺

政

全

書

嵯政全書序

閩倚海爲國煮  
海之利其賦入  
舊以二萬九千  
有奇計視淮不

啻十五之一卽  
視淞與粵猶三  
之一耳然設都  
運總其政董以  
臬憲而按部使

者復視其盈縮  
焉誠重之也閩  
之鹽自海而轉  
於山爲郡凡四  
後汀郡以南贛

軍興借行粵鹽  
假不反矣卽三  
郡中嶺岢蔽虧  
溪流漂病有司  
呈督不力水客

輒不特至而奸  
氓走險者從一  
線鳥道中四出  
如鶩與縣之常  
課格

今上朝度支以餉  
匱加引額閩增  
課乃至一萬七  
千兩有奇商不  
能縮引而巧遁

之於帑今歲尚  
銷舊歲之逋而  
縣官病然商因  
增引負重不支  
而商亦病故令

日以捉衿之商  
而責以竭澤之  
課以逡巡不前  
之水客而有如  
水趨壑之竊販

鹽筴之蠹亦難  
言哉余不佞入  
閩凡數月頗得  
其槩亟檄所司  
務潔已惠商通

引完課嚴客商  
之玩者禁私販  
之越者旣而緝  
舊牒見法令素  
具而用法者多

遊移作而曰舊  
章具在不可不  
悉飭也取鹽志  
及鹽政事宜與  
分臬林方伯及

都運郡邑商確  
刪正剔弊懲玩  
而布之章程因  
以付梓庶幾可  
循而趨可望而

凜髒骸於法之  
外者螟螣於法  
之中者曷亦徵  
乎書乎或謂今  
宇內悉索浮羨

靡飛不括蓋智  
能交困矣猶汲  
財之言乎余  
謂此以祛蠹也  
非以牟利也蠹

去。罷。商。通。商。通。  
而。常。賦。不。減。是。  
挈。籠。之。守。也。漢。  
文。學。與。桑。大。夫。  
爭。請。罷。鹽。鐵。誠。

謝本敏若宋史  
所稱鮮于氏上  
不害法中不廢  
親下不傷民竊  
尚往之矣

峇

天啓丁卯孟春

人日巡按福建

監察御史奉

勅兼理鹽法明州

周昌晉書於澄  
心堂中

鹽政全書目錄

上卷

鹽勅

鹽律

鹽官

鹽署

鹽產

鹽課

鹽餉

鹽會

鹽運

鹽引

鹽丁

鹽限

鹽界

鹽倉

鹽船

鹽牙

鹽桶

鹽斤

鹽秤

鹽票

下卷

鹽捕

鹽籍

鹽禁

鹽疏

鹽議  
鹽碑

**福建監察御史周** 爲鹽弊日滋  
期日壅亟宜釐剔以裕課餉事  
照得整理鹽政本院奉有

專勅入境以來訪聞閩中行鹽之弊百孔千  
瘡雖事宜所條陳近例所申飭亦祇爲  
文具耳究其弊之所自始私販之爲崇  
也非私販之不可捕牙哨通同之爲害  
也若夫西路商引支裝有額掣賣有期  
乃奸商往往夾帶耽延射利官司有掣  
驗之陋規吏胥有乘機之需索毋怪乎

幫愈滯課愈虧鹽官每致叅罰良可慨也及查舊例商梢違玩計日究擬鹽斤多餘盡數割沒務令奸頑知警儆運如期乃邇來究詳竟不問旬日一兩月之例卽問亦只一二塞責甚至沒入數亦量爲詳報是上不執其法而下安肯遵其法況乎違則俱違玩則俱玩豈可任其展脫得以恣意營私而

欽限正幫反致壅滯有謂各屬縣完銷不前掣賣無期業已計地方之廣狹酌戶口

之盈縮以派引目惡在其不能完銷也  
至海灣奸民挑負而透上游百十成群  
牙哨且縱放不爲捕獲欲求引鹽疏通  
胡可得也抑或勾派未定更有此減彼  
增之法在乎至於東路南路支買驗銷  
原有定期議罰防緝一體嚴緊乃商民  
亦尔玩忽恣行透越貽害正課不少也  
若海口潯美等場益折率多逋負解給  
每致後時均屬壞法悞課擬合併行查  
理牌發該道照依事理即將益政事例

細加叅酌務使額幫必足

國課無虧支買不至愆違派銷期於適當逾  
限久近究沒有差銷引欠缺叅罰有等  
水客不至設法嚴催棚主盤踞如律處  
治革陋規以清其源償幫期以通其流  
追徵者有無侵潤包納者果否長便裝  
桶僅泥介數毋容夾帶多餘私販必獲  
人贓勿許哨兵踈縱二運課餉限定解  
納各官督銷嚴以查叅庶鹽法行如流  
冰一切奸弊其可杜乎該道採往例酌

時宜何利當興何害當革凡管轄衙門  
產鹽行鹽地方派引銷引數目與夫緝  
捕比較之法臚列條序彙成臚政全書  
具錄送院以憑覆覈發刊頒布遵守施  
行須至牌者

# 鹽勅

勅巡按福建監察御史周

今特命尔不妨巡按職務帶管本省鹽法  
尔宜查照該部題准事理加意整飭禁  
革奸弊責令各該經管承委衙門從實  
查報歲額預行申部轉行南京戶部請  
給勘合照例印刷引目發福興泉漳出  
鹽去處當官填給發賣勘合該司歲終  
奏繳其附省南鹽亦令依例報冲於各

行鹽地方緝捕私販之徒炤例問罪發落鹽沒入官其巡捕官軍人等敢有與販徒通同作弊者一體治罪仍行令運司每年於歲報冊內備開原額及商人報中各若干內各場已辦過若干有無取獲通關銷繳未完若干係何竈戶連天逐一開造送部其所徵鹽課及私鹽囚徒等項銀兩每歲量留拾分之三存貯本處備用其餘俱解太倉以供邊餉運司及官吏人等若因循怠忽曠職廢

事或貪圖賄賂致損官課者就便拿問  
應叅奏者具奏定奪巡歷滿日通將整  
理過塩法督徵過銀兩各數目造冊奏  
繳爾須持廉秉公正已律下督責嚴明  
閑防慎密使塩課充足斯稱委任如或  
廢法怠事責有所歸爾其欽承之故勅

勅福建屯田鹽法兼管水利道右布政使林  
今特命爾督理福建都司併行都司壹拾  
七衛所屯田子粒兼管水利爾於屯田  
事務必須督令以時耕種依期徵納禁  
革收放奸弊軍民有告爭田土者就行  
踏勘分斷其該管官吏旗軍及勢豪無  
藉之徒敢有役占反剝削下屯軍士侵  
占屯田包攬屯糧拖欠不完者悉聽爾  
從公追究應拿問者徑自拿問應奏請  
者叅奏處治如遇饑荒依見行事例動

支各該屯所倉廩預備米糧等項賑濟  
所問囚犯或有應追入官贖罰就發所  
司收掌候米穀價賤收糴入倉備賑其  
各衛所月糧軍需等項錢糧俱責令首  
領文職官經手不許本衛徑委千百戶  
鎮撫等官收管以致侵欺作弊水利則  
每年貳三月間須親詣各府州縣督令  
治農官員各將境內圩岸陂塘壩堰以  
時疏濬深通務使蓄洩有備旱澇無虞  
如有官豪勢惡之家侵占截應拿問

叅奏者亦聽爾從宜施行每年終備將  
修濬過丈尺造冊送部查考仍兼理鹽  
法爾宜查照該部先今事理提調運司  
官吏人等催徵鹽課禁革奸弊其各行  
鹽地方緝捕私販之徒照例問罪發落  
鹽沒入官巡捕官軍人等敢有與興販  
之徒通同作弊者一體治罪運司官吏  
人等若因循怠忽曠職廢事貪黷賄賂  
致損鹽課者許爾指實叅呈究治爾受  
茲委任須結廉秉公正已率下務俾屯

糧充足水利興舉鹽法疏通斯爲稱職  
如或因循怠玩責有所歸尔其慎之故  
勅

# 鹽律

凡犯私鹽者杖一百徒三年有力納米三十五石每石折銀五錢共銀一十七兩五錢稍有力折銀一拾兩捌錢無力民籍發驛搬站鹽籍發場煎鹽俱解各該道掛號軍籍解總兵衙門定發墩臺哨瞭以上俱照年限滿日釋放若有軍器者加一等杖一百流二千里誣指平民者加三等杖一百流三千里拒捕者斬

鹽貨車船頭匹並入官引領牙人及窩藏寄頓者杖九拾徒貳年半有力納米三拾石折銀一拾五兩稍有力折銀九兩無力發配挑擔馱載者杖捌拾徒貳年炤前折納發配非應捕人告獲者就將所獲私鹽給付告人充賞有能自首者免罪一體給賞若事發止理見獲人鹽當該官司不許展轉攀扯違者以故入人罪論 謂如人鹽同獲止理見獲有確貨無犯人者其鹽沒官不須追究

凡塩場竈丁人等除正塩外夾帶餘塩出場及私煎貨賣者同私塩法百夫長知情故縱及通同貨賣者與犯人同罪

凡婦人有犯私塩者若夫在家或子知情罪坐夫男其雖有夫而遠出或有子幼弱罪坐本婦

凡買食私塩者杖一百因煎貨賣者杖一百徒三年

凡守禦官司及運塩司巡檢司巡獲私塩即發有司鞫勘各衙門不許擅問若有

司官吏通同脫放者與犯人同罪受財者計贓以枉法從重論

凡守禦官司及有司巡檢司設法差人於該管地面係附場緊關去處常川巡禁私鹽若有透漏者關津把截官及所委巡鹽人員初犯笞四十再犯笞五拾三犯杖六十係附過還職若知情故縱及容令軍兵隨同販賣者與犯人同罪受財者計贓以枉法從重論 其巡獲私鹽入已不解官者杖一百徒三年若裝

誣平人者加三等

凡軍人有犯私鹽本管千百戶有失餘束者百戶初犯笞五十再犯杖六拾三犯杖七拾減半給俸並附過運職若知情容縱及通同販賣者與犯人同罪

凡起運官鹽每引貳百觔為一袋帶耗五觔經過批驗所依數掣秤盤但有夾帶餘鹽者同私鹽法若客鹽超過批驗所不經掣掣閑防者杖九拾押回盤驗掣掣謂随手掣取鹽袋而掣其

重若干盤驗則盡盤其鹽而驗之與掣  
摯互相備矣

凡客商販賣官鹽不許鹽引相離遠者同  
私鹽法其賣鹽了畢拾日之內不繳退  
引者笞四拾若若將舊引影射鹽貨者  
同私鹽法

凡起運官鹽并竈戶運鹽上倉私帶軍器  
及不用官船運者同私鹽法

凡客商將官鹽插和沙土貨賣者杖八十  
凡將有引官鹽不拘於該行鹽地面發賣

轉於別境地界貨賣者杖一百知而買食者杖六十不知者不坐其鹽入官

條例

一各邊召商上納糧草若內外勢要官豪家人開立詭名占窩轉賣取利俱問發邊衛充軍干礙勢豪叅究治罪

一豪強鹽徒聚衆至十人以上撐駕大船張掛旗號擅用兵仗響器拒敵官兵若殺人及傷三人以上者比炤強盜已得財律皆斬為首者仍梟首示衆其雖拒

敵不曾殺傷人為首依律處斬為從俱  
發邊衛充軍若止十人以下原無兵仗  
遇有追捕拒敵因而傷至二人以上者  
為首依律處斬下手之人比炤聚衆中  
途打奪罪人因而傷人律絞其不曾下  
手傷人者仍為從論罪若貧難軍民將  
私鹽肩擔俾負易米度日不必禁捕  
一越境興販官私引鹽至三千觔以上者  
問發附近衛所充軍原係腹裏衛所者  
發邊衛充軍其客商收買餘鹽買求掣

擊至三千觔以上亦照前例發遣經過  
官司縱放及地方甲鄰里老知而不舉  
各治以罪巡捕官員乘機興販至三千  
觔以上亦照前例問發

一兩淮等處運司中鹽商人必須納過良  
兩紙價方給引目中守支若先年不會上  
納故捏守先年欠等項虛詞奏擬者問  
罪仍照各處鹽場無藉之徒把持詐害  
事例發遣

一偽造鹽引仰信賄囑運司吏書人等將

已故併逮年商人名籍中。並來歷填寫。在引轉賣。誑騙財物爲首者。依律處斬。其爲從。併經紀牙行店戶。運司吏書。一應知情人等。俱計贓滿貫者。不拘曾否。支鹽出場。俱發邊衛充軍。

一各鹽運司總催名下。該管鹽課納完者。方許。照名填給通關。若總催買贖官吏。併覆盤委官。指倉囤扶同作弊者。俱問發邊衛充軍。

一各處鹽場無籍之徒。號稱長布衫。趕船

虎光棍好漢等項各色把持官府詐害客商犯該徒罪以上及再犯杖罪以下俱發邊衛充軍監臨勢要中鹽

九監臨官吏詭名及權勢之人中納錢糧請買鹽引勘合侵奪民利者杖一百徒三年鹽貨入官

### 阻壞鹽法

凡客商中買鹽引勘合不親赴場支鹽中途增價轉賣阻壞鹽法者買主賣主各杖八十牙保減一等鹽貨價錢並入官

其舖戶轉買拆賣者不用此律

# 鹽官

巡按福建帶管鹽法監察御史一員  
國初於天下省直置運鹽司六而御史專  
督鹽課者四長蘆河東淮浙外皆以巡  
按監察御史兼之

福建按察司屯田鹽法兼管水利道一  
員

國朝鹽法專屬轉運凡有興革徑上之臺  
使者至萬曆六年始議閩設鹽道而以

憲臬大夫領之筦衡其中上爲直指所  
分托下爲轉運所受成厥任重矣

福建都轉運鹽使司運使一員

水口分司同知一員 駐劄水口專管

西路幫鹽

黃崎分司副使一員 駐劄黃崎專管

東路幫鹽

南港分司判官一員 駐劄南臺專管

南路幫鹽 萬曆八年裁革南港鹽務

經歷知事各輪管天啓二年奉文隨堂

兼攝

經歷司經歷一員

知事一員

南臺倉大使一員

閩安鎮批驗鹽引所大使一員

竹崎批驗鹽引所大使一員

七場鹽課司各大使一員

上里

海口

牛田

惠安

潯美

涵州

浯州

官非運司而有事于巡緝盤驗者附開

于後

竹崎司巡檢一員

白石司巡檢一員 查驗本港水添西

陂各港報到引鹽

漁溪司巡檢一員 查驗福安縣細鹽

半賣福安半賣壽寧

貫營司巡檢一員 查驗寨嶼港引鹽

青灣司巡檢一員 查驗文崎港引鹽

高羅司巡檢一員 查驗古縣太金閭

峽沙洽漁洋竹嶼引鹽

延亭司巡檢一員

查驗浦潭下許赤

崎火燒灣引鹽

蘆門司巡檢一員

查驗水頭前崎引

鹽

柘陽司巡檢一員

查驗白林店頭鄭

崎引鹽

# 鹽署

福建按察司屯鹽道  
憲臺分署牌坊一座

頭門一座三間 左運府廳一間 中  
軍廳一座看衙房一所 右縣廳一間  
二門一座三間 左土地祠一所 右  
屯冊庫一所

大堂籌國堂一座五間 東西各皂隸  
房五間 堂邊宇春樓石碑一座

穿堂一座 牌上書虛籌軒 東舊冊

庫三間 西官廚房三間

後堂一座五間 牌上書觀生堂 東

係本道上房 西係吏書房

樓一座五間 牌上書寶數樓

後空園一所

福建都轉運鹽使司 左布政司右

正堂一座 後堂一座

大觀樓三間 在後堂後 龍亭庫在

正堂左 廣盈庫 在正堂右

東西廊房各十間 東廊係吏舍 西廊係卷房

大門儀門各三間

寅賓館在儀門東

運使宅在後堂左

運同宅在後堂右

運副宅

在運同宅右

運判宅

在經歷司左

經歷司

正堂之左

經歷宅

在經

歷司後

知事宅

在經歷司右

土地祠

在儀門西

吏舍二十二間

監房一所

在運副宅前

水口分司 離省城一百八十里設運同  
駐劄掣賣西路官鹽在古田縣地方

鹽醴政臺一座 在司之左

鹽倉一所 浮橋一座 計船十六隻

黃崎分司 嘉靖十五年設運副駐劄掣  
賣東路官鹽在福安縣地方萬曆戊戌  
年運副張仕可重修

南港分司 嘉靖二十六年該本司委官  
掣賣鹽勛以濟省城民食在城外新港  
口面河萬曆戊戌年運副張仕可重修

南臺倉 在閩縣時昇里元延祐間建洪武五年創二十四廩環以高垣天順八年運使劉璣增建弘治元年運使金迪重修仍建官廳外門正德元年運同錢承德撤舊新之爲大廳夾室門廊及神祠碑亭警夜樓公廨諸所正德戊寅年運使黃閔古重修嘉靖中商人創私倉百餘所萬曆初以此山爲藩司前案不宜開鑿撤去三之一

竹崎批驗所

所廳一座 分司公館一所

鹽倉十間

閩安鎮批驗所

所廳一座 分司公館一所

上里場鹽課司

分司公館一所 鹽倉一所

海口場鹽課司

分司公館一所 鹽倉一所

牛田場鹽課司

分司公館一所 鹽倉一所

惠安場鹽課司 以下四場舊有鹽倉今  
廢地歲納租

潯美場鹽課司

涵州場鹽課司

浯州場鹽課司

改建分司

萬曆二十六年九月內爲改建東路分  
司條陳行鹽要地以重考成事蒙鹽法  
道副使高 案驗奉

軍門金 批據本道呈詳黃崎分司舊

署荒涼曠野不便居止改建三塘地方  
駐劄緣繇奉批黃崎分司雖理東路鹽  
法而東路私鹽透入建寧實爲西路官  
鹽大害此中官受制於勢商故往往不  
往黃崎者陰便商私販耳今三塘既可  
改建司署則可責官以常往私販從此  
可清而西路官鹽便當大通此消彼長  
勢則然也改建工料俱如議動支仍候  
按院詳行繳又蒙

察院何 批分司改建該道已有成議

其應用工料等委官估計一併詳奪蒙  
此案照先據該司呈詳前事到道已該  
看得東路八港行鹽地密邇海濱遠隔  
省會法網濶疎私鹽易售全藉黃崎分  
司駐劄其地爲之彈壓庶幾人猶知有  
法而引盜可通耳乃近年以來該司官  
俱以原建黃崎分署係荒涼曠野之區  
不便居住每多戀處會城裹足不至其  
地凡遇掣鹽把港一切委之佐領倉巡  
等官需求之意多而稽察之念少以故

私鹽充斥課引壅滯至今弊已極矣本  
道竊謂欲黃崎鹽法疏通必須該司官  
駐劄彼中此乃吃緊要義而公署不可  
以居亟宜議處近據運同屠本峻親詣  
彼處見分司舊署附近有三塘地方人  
烟稠密更有城垣足恃其中原有三塘  
公館基地可以改建分司安頓家眷從  
此至舊署掣鹽驗引不過三五里而遙  
其勢亦甚便分司官得托廬而處然後  
可以安意行法而東路鹽政亦可次第

而舉誠為便計相應亟行轉請合無候  
詳允示行令該司委官將建立前項分  
司合用工料逐一估計無冒造冊呈報  
另行申請動支沒官鹽價上緊辦料興  
工以便新任運副到任即便前去駐劄  
管理該港鹽務備由具呈去後奉批前  
因合行估建為此案仰本司官吏即便  
并委陳知事將三塘公館建立分司估  
用工料若干該銀若干該司覆實逐項  
造冊呈報以便申請動支深為良法如

議永遵此繳依蒙遵行在案

# 鹽產

福清縣二場

海口場 離省城一百八十里

牛田場 離海口二十里

莆田縣一場 上里場離興化府二十里

惠安縣一場 惠安場離惠安縣七十里

晉江縣二場

潯美場 離泉州府一百二十里

兩州場 離泉州府一百四十里

同安縣一場

浯州場 離泉州府二百里

海口場晒鹽灘團

本場計有一十一團附倉團計二埕赤  
上團計五埕赤下團計五埕杞店團計  
五埕潯頭團計八埕前港團計六埕東  
港團計九埕後港團計四埕王祥團計  
九埕洪淡團計五埕白沙團計五埕其  
場東至松下寨四十里南至澤朗寨六  
十里西至壁頭寨一百里北至牛頭寨

一百二十里

牛田場

本場計六團東西團計二十一垵港東  
團計六垵黃赤團計六垵南團計八垵  
北團計八垵浦西團計七垵其場東至  
澤朗四十里南至牛頭八十里西至漁  
溪二十里北至海山場二十里

上里場

本場計有三十一團天地團地玄團洪  
荒團洪荒日月團正日月團日月盈團

畧辰團辰宿團宿列團列張團張寒團  
寒字上團寒字下團來西東團來西上  
團來西下團富盈上團富盈下團富盈  
廣衍上團富盈廣衍下團廣衍永濟上  
廣衍永濟下團正永濟團豐實團永寧  
前團永寧中團永寧十竈團永寧八竈  
團永豐團盈字團盈畧團其塲東至迎  
仙寨二十里南至河泊所二十里西至  
莆田縣二十里北至壺山院十五里

惠安塲

本場計五團西湖前坂團庭邊喬浦下  
洋東團下洋西柯欏林內團上倉坂西  
團下倉下坂團其場東至崇武所二十  
里南至海西至泉州府二十里北至惠  
安縣三十里

潯美場

本場計十九埕潯美埕安下埕前索東  
埕前索西埕呈前埕青石埕徑山下滿  
埕僻堦埕溪浦埕岑頭埕大南埕大北  
埕西岑埕沙美埕阜通埕阜通東埕西

埕南埕北埕其場東至泗州場二十里  
西至永寧衛二十里南至深扈巡檢司  
二十里北至海

涪州場

本場計十埕永安埕官鎮埕田墩埕沙美  
埕浦頭埕斗門埕南埕保林埕東沙埕  
烈嶼埕其場東至塔頭巡檢司南至圍  
頭巡檢司西至官灣巡檢司北至高浦  
巡檢司

泗州場

本場計六埕東埕西舊埕西新埕新市  
埕蔡埕埕園頭埕其場東至連湖四十  
里南至安海四十里西至福全所二十  
里北至園頭巡檢司三十里

晒鹽法則

一海濱潮水平臨之處擇其高露者用膩  
泥築四周爲圓而空其中名曰埕仍挑  
土實埕中以潮水灌其上於埕旁鑿一  
孔令水由此出爲溝又高築埕盤用瓦  
片平鋪將池洒埕中候日曝成粒則鹽

成矣惟積雨則滷益不得晒而鹽不成

# 鹽課

引價

一西路舊商每引一封四百道每道該納  
價銀三錢共銀一百二十兩水脚銀二  
兩四錢滴珠銀一兩二錢年計引五十  
封共引價銀六千兩水脚銀一百二十  
兩滴珠銀六十兩彙入舊課解京  
一新商每引一封四百道每道該納價銀  
三錢共銀一百二十兩水脚銀二兩四

錢滴珠銀一兩二錢年計引一十二封  
半共艮一千五百兩水脚銀三十兩滴  
珠銀一十五兩彙入新課解京

一東路各商每引一封三十五道每道該  
納價銀三錢共銀一十兩五錢水脚銀  
二錢一分滴珠銀一錢五釐年共引三  
十封共銀三百五十七兩水脚銀七  
兩一錢四分滴珠銀三兩五錢七分彙  
入舊課解京

一南路各商每引一封二十五道紹文五

十五道引塩該納引價銀一十六兩五錢水脚銀三錢三分滴珠銀一錢六分五釐年計銷引八卦共引價銀一百三十二兩水脚銀二兩六錢四分滴珠銀一兩三錢二分此項彙入舊課解京

一南路永福港年限銷引一封五十五道每道引價銀三錢六銀一十六兩五錢水脚銀三錢三分滴珠銀一錢六分五釐此項彙入舊課解京

加引價

一西東南三路年該銷引二萬六千四百

四十六道天啓六年奉

部文每道增引價銀六分一年該增銀  
二千五百八十六兩八錢解助

大工候事竣日豁免以天啓六年為始

部文多涉蒙

按院周達

部改正奉布政司明文委官搭解赴

部交納

餘價 附牙稅

一西路舊商每引一、封四百道每道納餘價銀四錢其銀一百六十兩水脚銀三兩二錢滴珠銀一兩六錢每封又納牙稅銀一十四兩四錢七分六厘滴珠銀一錢四分四厘七毫六絲年銷引五十封其餘價銀八千兩水脚銀一百六十兩滴珠銀八十兩又牙稅銀七百二十兩八錢滴珠銀七兩二錢三分八厘二項銀共正價銀八千七百二十三兩八錢水脚銀一百六十兩滴珠銀八十

七兩二錢三分八厘此項彙入舊課解京

一西路新商每引一封四百道每道納餘價銀四錢共銀一百六十兩水脚銀三兩二錢滴珠銀一兩六錢每封又納牙稅銀一十四兩四錢七分六厘滴珠銀二錢四分四厘七毫六絲又納助餉牙銀二兩四錢二分一厘四毫一絲三忽一微九纖又納牙店餉銀三兩九錢二分一厘三毫三絲三忽三微又納經紀

銀二兩六錢六分五厘六毫八絲八忽  
六微五纖年銷引一十二封半共餘價  
銀二千兩水脚銀四十兩滴珠銀二十  
兩又牙稅銀一百八十兩九錢五分滴  
珠銀一兩八錢九厘五毫又納助餉牙  
銀三十兩二錢六分七厘六毫六絲六  
忽八微七纖五渺又納牙店餉銀四十  
九兩一分六厘六毫六絲六忽二微五  
纖又納經紀銀三十三兩三錢二分一  
厘一毫八忽一微二纖五渺五頃共正

價銀二千二百九十三兩五錢五分五釐四毫三絲九忽二微五纖水脚銀四十兩滴珠銀二十一兩八錢九釐五毫此項彙入新課解京

二 東路每商每引一封三十五道每道納餘價銀八錢共銀二十八兩水脚艮五錢六分滴珠銀二錢八分每封又納牙稅銀三兩五錢七分滴珠銀三分五厘七毫年銷引三十四封共銀九百五十二兩水脚銀一十九兩四分滴珠銀九

兩五錢二分又牙稅銀一百二十一兩  
三錢八分滴珠銀一兩二錢一分三厘  
八毫二項共正價銀一千七十三兩三  
錢八分水脚銀一十九兩四分滴珠銀  
一十兩七錢三分三厘八毫此項彙入  
舊課解京

一南路各商每引一封二十五道炤支五  
十五道引鹽該納餘價銀四十四兩水  
脚銀八錢八分滴珠銀四錢四分牙稅  
銀三兩三錢八分八厘滴珠銀三分三

厘八毫八絲年計銷引八封共餘價銀  
三百五十二兩水脚銀七兩零四分滴  
珠銀三兩五錢二分牙稅銀二十七兩  
一錢四厘滴珠銀二錢七分一厘四絲  
二項共正價銀三百七十九兩一錢四  
厘水脚銀七兩零四分滴珠銀三兩七  
錢九分一厘四絲此項彙入舊課解京  
一南路永福港年限銷引一封五十五道  
每道餘價銀八錢共銀四十四兩水脚  
銀八錢八分滴珠銀四錢四銀牙稅銀

三兩三錢三分八厘滴珠銀三分三厘  
八毫八絲二項共正價銀四十七兩三  
錢八分八厘水脚銀八錢八分滴珠銀  
四錢七分三厘八毫八絲此項彙入舊  
課解京

加課

嘉靖三十三年蒙

戶部郎中錢 清理鹽法查得西路船  
大塩多欲行改造據各商陳源等書懇  
資本微薄免其拆造以省繁費每商議

加課艮三十兩至萬曆四十五年間續  
因歲解額課不敷詳蒙

按院李 益道畢 批允每幫每商又

議加課銀四十四兩准加益一百五十

桶先後共加課銀七十四兩共水脚銀

一兩四錢八分滴珠銀七錢四分舊商

年共銷引五十封共加課銀三千七百

兩水脚銀七十四兩滴珠艮三十七兩

此項彙入舊課解京

新商年計銷引一十二封半共加課銀

九百二十五兩水脚良一十八兩五錢  
滴珠銀九兩二錢五分此項彙入新課  
解京

一東路內三港共二十八幫每幫加課銀  
三十三兩三錢三分三厘三毫三絲三  
忽三微年費二十八幫共銀九百三十  
三兩三錢三分三厘三毫三絲二忽四  
微此項彙入舊課解京外五港共六幫  
每幫加課銀二十二兩二錢二分二厘  
二毫二絲二忽二微

每年勻賣六幫共銀一百三十三兩三錢三分三厘三毫三絲二忽二微此項彙入舊課解京

### 細鹽課

一東路細鹽年額課銀二百兩分派一十四場竈戶煎鹽辦納課銀內福寧州一場名曰長腰場羅源縣三場名曰盤江場路角場橫樓場寧德縣十場名曰漳灣上場又上中場下中場黃坑下場港尾上場下場門下場鄭灣場瀨嶼場青

山東烏嶼場西烏嶼場先年商人赴司  
秤納課銀給由往彼收買竈戶煎鹽嗣  
後商人逃竄課坐竈戶賠納以致具告  
院道議令見在充商者改為水歸課竈  
納逐年行令該州縣年徵每場正價脚  
珠銀共一十四兩七錢一分四厘三毫  
十四場通共正價銀二百兩水脚銀四  
兩滴珠銀二兩具文解司收庫彙入舊  
課解京

海課

南路外六港往例每港年限銷引一封  
五十五道該引餘價等銀九十一兩五  
錢三分六厘續壺江灣民苦商方喬徽  
盧紹等剋剥之害詞赴

院道告願散幫認課既而广石等五灣  
體例告批福州府移會本司議准散幫  
聽各灣民認納前項引餘等銀壺江广  
石連江奇達北茭定海六每港每年各  
澳民各認納銀九十一兩五錢三分六  
厘又北茭港年加哨捕銀一十二兩六

港共該銀五百六十一兩二錢一分六厘內每年每港派出銀二十五兩八錢六分共銀一百五十四兩八錢解充軍門小賞支用又哨捕獎勵銀一十二兩聽按院作監價支用外更該銀三百九十四兩四錢一分六厘此項彙入舊

課解京

脚珠俱在內

認課

一延平府大田縣免其銷引每年認納課

銀一百兩水脚銀二兩滴珠銀一兩此  
項彙入舊課解京

折課

一上里場年額鹽折課銀四千零二兩一  
錢五分五厘三毫水脚銀八十兩零四  
分三厘一毫六忽滴珠銀四十兩零二  
分一厘五毫五絲三忽

一海口場年額鹽折課銀二千二百三十  
一兩七錢四分九厘五絲水脚銀四十  
四兩六錢三分四厘九毫八絲一忽又

加滴珠銀二十二兩三錢一分七厘四毫九絲五微

一斗田場年額鹽折課銀二千二百二十六兩九錢九分四厘九毫水脚銀四十四兩五錢三分九厘八毫九絲八忽滴珠銀二十二兩二錢六分九厘九毫四絲九忽

一惠安場年額鹽折課銀五百一十四兩六錢五分六厘水脚銀一十兩二錢九分三厘一毫二絲滴珠銀五兩一錢四

分六厘五毫六絲

以上四場銀兩向係各場徵解本司

收庫彙入舊課解京

一潯美場年額鹽折課銀一千六百八十五兩五錢八分三厘三毫五絲

一涵州場年額鹽折課銀四百六十四兩七錢六分九厘九毫

一浯州場年額鹽折課銀七百四十八兩八錢四分五厘五毫五絲

以上三場銀兩解泉州府清軍館兌

給附近永寧福全金門各衛所官軍  
月糧

# 鹽餉

幫封

一西路舊商每引一封四百道每道該納  
幫封餉銀二錢五分共銀一百兩水脚  
銀一兩六錢年共銷引五十封共計銀  
五千兩水脚銀八十兩內銀四千兩彙  
入新餉解京其餘候

按院正項支銷

一

一新商每引一封四百道每道該納幫封

餉銀二錢五分共良一百兩水脚銀一  
兩六錢年計銷引一十二封半共銀一  
千二百五十兩水脚銀二十兩內銀一  
千兩彙入新餉解京其餘候  
按院正項支銷

高餉

一西路舊商每引一封四百道原只納引  
價餘價幫封等銀至天啓二年間奉  
一戶部明文西路加增新引五千兩新舊  
兩商互相爭訐倡成窩價以致同府會

議詳蒙帶管鹽法道高 轉詳

按院鄭 具

題每新引一封加窩餉良四百兩嗣後新  
商不甘僉赴

院道告勾議令舊商天啓二年分每引  
一封納銀四十兩三年四年每封各納  
良五十兩五年為始新舊兩商每引一  
封緊納銀八十兩年計銷引五十封該  
銀四千兩水脚銀六十四兩此項彙入  
新餉解京

一新商每引一封四百道天啓二年分每  
封納銀二百四十兩三年四年每封納  
銀二百兩五年爲始新舊兩商每引一  
封槩納銀八十兩年計銷引一十二封  
半該銀一千兩水脚銀一十六兩此項  
彙入新創解京

漳餉

一漳屬鹽包餉銀二千三百一十八兩一  
錢五分水脚銀三十七兩九分四毫此  
項彙入新課解京

充賞

一西路每年五幫每幫十商每商納助餉  
牙併牙店餉共銀六兩三錢四分二厘  
七毫四絲六忽四微九纖

十商共銀六十三兩四錢二分七厘四  
毫六絲四忽九微

五幫共銀三百一十七兩一錢三分七  
厘三毫二絲四忽五微此項充

軍門小賞支用

一東路每年三十四幫每幫每商納增助

餉銀一十兩二錢六分

三十四幫共銀三百八十二兩八錢四分

又本港牙稅銀一十五兩水滌西陂二港  
各牙稅銀七兩五錢桐山碁嶼二港各  
牙稅銀二兩五錢樓前港牙稅銀二兩  
羅源文岐二港各牙稅銀一兩五錢共  
銀四十兩此項俱充

軍門小賞支用

又東路各港商人承領紅牌賣鹽如有違

限計日罰課

本港每日罰課銀一兩七錢七分七厘  
七毫七絲七忽七微七纖六渺

水滌西陂二港每日罰課銀八錢八分  
八厘八毫八絲八忽八微八纖

桐山蔡嶼樓前三港每日罰課銀一錢  
二分三厘四毫六絲

文岐港每日罰課銀八分二厘三毫四  
忽五微四纖

羅源港每日罰課銀六分一厘七毫二

絲八忽三微九纖五塵此項充

軍門小賞交用

一南路每年八幫每幫每商納軍助餉銀  
二十五兩八錢

八幫共銀二百六兩四錢

又永福港每年一幫納軍助餉銀二十五  
兩八錢正

又南路連江港奇達港北茭港定海港壺  
江巷广石港每巷納餉銀二十五兩八  
錢六巷共銀一百五十四兩八錢三

上俱充

軍門小賞支用

一裁減本司冗役庫夫工食一名年額銀  
十兩八錢坐沙邵武晉江甌寧三縣每  
縣每年解銀三兩六錢收庫此項充  
軍門小賞支用

一西路每幫每商納經紀銀二兩六錢六  
分五厘六毫八絲八忽六微五纖  
每幫十商共銀二十六兩六錢五分六  
厘八毫八絲六忽五微

五幫共銀一百三十三兩二錢八分四厘四毫三絲二忽五微

一東路每幫每商納經紀銀一兩八錢九分

三十四幫共銀六十四兩二錢六分  
以上二項俱充二分司廩給支用

# 鹽會

運司年額部引二萬六千四百四十七道  
內派西路舊商年限銷引五十封計二  
萬道

年額引價銀六千兩

餘價銀八千兩

幫封銀五千兩內四千兩解京其

餘候

按院正項支銷

窩餉銀四千兩

加課銀三千七百兩

牙稅銀七百二十三兩八錢

滴珠銀一百八十四兩二錢三分

八厘 俱解京

水脚銀四百九十八兩 俱給解

官盤費

助餉小賞銀三百一十七兩一錢

三分七厘三毫二絲四忽五微俱

解赴布政司聽

軍門小賞支用

經紀銀一百三十三兩二錢八分  
四厘四毫三絲二忽五微聽水口  
黃崎二分司廉給支用

西路新商年限銷引一十二封半計五千  
道年額引價良一千五百兩

餘價加課牙稅滴珠經紀等銀共三  
千二百六十四兩六錢一分四厘  
九毫三絲九忽二微五纖

幫封銀一千二百五十兩內留二百

五十兩收貯司庫候

按院明文支用更一千兩解京

窩餉一千兩 以上俱解京

水脚銀一百二十四兩五錢 給解

官盤費

東路內外八港年限銷引三十四封計一  
千一百九十道

年額引價銀三百五十七兩

餘價銀九百五十二兩

加課銀一千六十六兩六錢六分六

厘六毫六絲六忽五微

牙稅銀一百二十一兩三錢八分

滴珠銀一十四兩三錢三厘八毫

以上俱解京

水脚銀二十六兩一錢八分 給解

官盤費

軍助餉銀三百八十二兩八錢四分

八港牙稅銀四十兩二項俱解布政

司聽

軍門小賞費用

經紀艮六十四兩二錢六分係水口  
黃崎二分司廉給支用

南路年限銷引八封計二百道 先年每

引一封五十五道續因引不敷用  
奉文改二十五道為一封准支五  
十五道引鹽責令各商引價全納  
年額引價一百三十二兩

餘價銀三百五十二兩

牙稅銀二十七兩一錢四厘

滴珠銀五兩一錢一分一厘四絲已

上供解京

水脚銀九兩六錢八分 給解官盤

費

軍助餉銀二百六兩四錢俱解布政

司聽

軍門小賞支用

永福港年限銷引一封五十五道

年額引價銀一十六兩五錢

餘價銀四十四兩

牙稅銀三兩三錢八分八厘

滴珠銀六錢三分八厘八毫八絲

已上俱解京

永脚銀一兩二錢一分 給解官

盤費

軍助餉銀二十五兩八錢解布政

司聽候

軍門小賞支用

連江等六港年額海課餉共銀五百四十

九兩二錢一分六厘又北茭港哨

捕盜餉價銀一十二兩共銀五百

六十一兩二錢一分六厘內除出  
餉銀一百五十四兩八錢解充

軍門小賞又哨捕銀一十二兩聽

按院作鹽價支用更課銀三百八十三

兩三錢二分二厘七毫二絲

滴珠銀三兩八錢三分三厘二毫八

絲俱解京

水脚銀七兩二錢六分給解官盤

費

漳屬塩包餉銀二千三百一十八兩一錢

五分解京

水脚銀三十七兩九分四毫 給解

官盤費

東路細鹽課銀年額二百兩

滴珠銀二兩 俱解京

水脚銀四兩 給解官盤費

大田縣免銷引年納課銀一百兩

滴珠銀一兩 俱解京

水脚銀二兩 給解官盤費

上里海口牛田惠安四場年額鹽折課銀

共八千九百七十五兩五錢五分

五厘二毫五絲

滴珠銀八十九兩七錢五分五厘五

毫五絲二忽五微 俱解京

水脚是 一百七十九兩五錢一分一

厘一毫五忽 給解官盤費

四場鹽折等銀屬各場竈民零星秤

納在場解司每年拖欠

潯美兩州涪州三場年額鹽折課銀共二  
千八百九十四兩一錢九分八厘

四毫 向係追解泉州府清軍館  
兌給附近永寧衛福全金門二所  
官軍月糧

西東南三路新舊各商年銷引共二萬  
六千四百四十六道半天啓六年  
起每道加增引價銀六分共該銀  
一千五百八十六兩八錢 此項  
解京助大工俟竣停止

水脚銀二十五兩三錢八分八厘八  
毫 給解官盤費

# 鹽運

運司先年原額年解銀二萬二千二百兩一錢嗣至萬曆四十二年間

按院徐因見依山引目題革不行附海引目不足三年銷繳具

題加引二萬六千七百七十五道計該增課銀七千二百三十九兩八錢七分併舊額引三萬七千五百六十五道以足三年銷繳通共銀一萬九千四

百三十九錢二分永勝銀五百  
三十七兩五錢四分六厘一毫七絲  
二忽三微滴珠銀二百七十七兩七  
錢三分三厘八絲六忽三微逐年分  
爲上下兩運起解

上運正價銀一萬五千兩滴珠銀一百  
四十兩四錢五分五厘七毫水脚銀  
二百七十五兩四錢內撥添滴珠銀  
二兩五錢四分四厘三毫給官水脚  
銀二百四十開扣留銀二十六兩八

錢五分五厘七毫解布政司充餉

下運正價銀一萬四千四百三十九兩

九錢七分滴珠銀一百三十七兩二錢七分七厘三毫八絲六忽三微水脚銀二百六十一兩一錢四分六厘一毫七絲二忽六微內撥滴珠銀七兩一錢二分二厘三毫一絲三忽七微給官水脚銀二百三十一兩三分九厘五毫扣留銀二十二兩九錢八分四厘三毫五絲八忽九微解布政

司充餉

又天啓二年間奉

戶部明文西路年增新引五千道年  
派西路新商引價餘價等銀四千七  
百一十八兩水脚艮八十八兩五錢  
新舊商幫封餉銀五千兩水脚銀八  
十兩新舊商窩餉銀五千兩水脚銀  
八十兩漳屬鹽包餉銀二千三百一  
十八兩一錢五分水脚銀三十七兩  
九分四毫通共銀一萬七千三百二

十一兩七錢四分四毫新增鹽餉正  
價銀一萬七千三十六兩一錢五分  
水脚銀二百八十五兩五錢九分四  
毫內給官銀二百七十二兩五錢七  
分八厘四毫扣留銀一十三兩一分  
二厘解

布政司充餉

# 鹽引

一運司三年開中鹽引三萬七千五百六十五道續於萬曆四十五年五月內增引二萬六千七百七十五道又于天啓二年十一月內增引一萬五千道新增舊額共七萬九千三百四十道三年一次請發運司常派引之年將繳引各商造冊送道照依幫商移會布政司編派仍造冊具由呈詳

按院批允行司遵照該司每引一道  
追引紙銀三厘差役領文赴布政司  
倒文解赴

南京戶部交納請刷引目回司派給  
各商銷繳如引目請發未到本道詳  
院從權預發牌帖下場交鹽候引到  
日補剪發商照鹽

凡商人將報納過引目俱留在司貯庫  
聽各商告領下場照支裝載海船如  
所納引目尚欠裝運不敷亦聽將夥

計中總引目搭封奏支引課得完商  
憲稱便查得兩淮領引遠限之禁係  
嘉靖九年御史李吉案驗奉

都察院勘合該御史戴金題

准自南京戶部到日以給散引目之日爲  
始中間有商人不即赴司領引支鹽  
限六月以外罰殺上倉以餉賑濟今  
閩省商人多有將報中引目封寄司  
庫雖謂資本不敷亦有將引目故意  
存留窺見各商引盡高價賣窩及有

年久事故令人代走者遂致入亡名  
存以百年商名爲今引商又以現在  
五六十名之商而當原舊一二百商  
之名非轉賣代走何以至此若依兩  
淮運限之禁夙弊庶可一清

西路引鹽年限五幫每幫舊商十名新  
商二名半每名銷引一封四百道每  
年共銷引二萬五千道行延建邵三  
府地方  
延平府

南平縣 九十九里

年額派銷新舊引一千一十引

原額派銷六百九十七引

今加三百一十四引

限實完銷八分共八百零九引

原限實銷五百五十八引

今加二百五十一引

每里每日只食菹十三斤一兩七錢

年計菹四十六萬七千一百九

十七斤八兩

沙縣 一百四里

年額派銷新舊引一千六十二引

原額派銷四百零七引

今加六百五十五引

限實完銷八分共八百五十引

原額實銷三百二十六引

今加五百二十四引

每里每日只食鹽十三斤一兩七

錢

年該鹽四十九萬八百七十五斤  
將樂縣 六十七里

年額派銷新舊引六百八十五引  
原額派銷三百六十二引  
今加二十三引

限實完銷八分共五百四十八引  
原額實銷二百九十二引  
今加二百五十六引

每里每日只食鹽十三斤一兩七  
錢

年該鹽三十一萬六千四百七十斤

永安縣 六十三里

年額派銷新舊引六百四十四引  
原額派銷三百三十引

今加三百一十四引

限實完銷八分共五百一十五引  
原額實銷二百六十四引

今加二百五十一引

每里每日只食鹽十三斤一兩七

錢

年該鹽二十九萬七千四百十二斤零八兩

右溪縣 六十二里

年額派銷新舊引六百三十二引

原額派銷四百零七引

今加二百二十五引

限實完銷八分共五百零五引

原限實銷三百二十五引

今加一百八十一引

每里每日只食鹽十三斤一兩七錢

年該鹽二十九萬二千二百十五斤

順昌縣 五十八里

年額派銷新舊引五百九十二引  
原額派銷四百零七引

今加一百八十五引

限實完銷八分共四百七十四引  
原限實銷三百二十六引

今加一百四十八引

每里每日只食鹽十三斤一兩七錢

年該鹽二十七萬三千七百三十五斤

### 建寧府

建安縣 一百四十二里

年額派銷新舊鹽引一千四百五十引

原額派銷九百三十引

今加五百二十引

限實完銷八分共一千一百六十引

原限實銷七百四十四引

今加四百一十六引

每里每日只食鹽十三斤一兩七錢

年該鹽六十六萬九千九百斤

甌寧縣一百九十一里

年額派銷新舊引一千九百五十

引

原額必銷一千零四十七引

今加九百零三引

限實完銷八分共一千五百六十引

原限實銷八百三十八引

今加七百二十三引

每里每日只食鹽十三斤一兩七錢

年該鹽九十萬九百斤

建陽縣 二百七里

年額派銷新舊引二千一百一十四引

原額派銷八百一十二引

今加一千三百零二引

限實完銷八分共一千六百九十一引

原限實銷六百五十引

今加一千零四十一引

每里每日只食鹽十三斤一兩七

錢

年該鹽九十七萬六千五百五十二斤八兩

浦城縣 一百五十六里

年額派銷新舊引一千五百九十  
三引

原額派銷一千五百七十二引  
今加二千一引

限實完銷八分共一千二百七十  
四引

原限實銷一千二百五十八引  
今加十六引

每里每日只食鹽十三斤一兩七錢

年該鹽七十三萬五千七百三十五斤

崇安縣 八十八里

年額派銷引四千六百五十引

原派已多今不再加

限實完銷八分共三千七百二十

引

每里每日只食鹽六十七斤十三兩

年該鹽二百一十四萬八千三百引

邵武府

邵武縣 一百七十里

年額派銷新舊引二千九百九十五引

年額派銷一千七百四十五引

今炤原加一千二百五十引  
限實完銷八分共三千七百二十  
引

每里每日只食鹽二十二斤九兩  
七錢

年該鹽一百三十八萬三千六  
百九十斤

光澤縣 五十三里

年額派銷引一萬七百引  
原派已多今不再加

限實完銷八分共八千五百五十八引

每里每日食鹽二百五十九斤四錢

年該鹽四百九十四萬二千二百四十五斤

泰寧縣 五十一里

年額派銷新舊引五百二十一引

原額派銷二百八十八引

今加二百四十一引

限實定銷八分共四百一十七引

原限實銷二百二十三引

今加一百九十四引

每里每日只食鹽十三斤一兩七

錢

年該鹽二十四萬八百十七斤

八兩

建寧縣 五十二里

年額派銷引六百五十四引

原派照今額已踰今不再加

限實完銷八分共五百二十二引  
每里每日只食鹽十六斤一兩六  
錢五分零

年該鹽三十萬一千四百五十  
五斤

東路引鹽年限三十四幫行福寧一州  
福安寧德羅源三縣分為八港

一福寧州轄文岐桐山寨嶼三港年銷  
正引一百三十引又年認細鹽課正  
價脚珠銀一十四兩七錢一分四厘

三毫所煎鹽斤運往福安壽寧三縣  
散賣民食票投各縣鹽官及漁溪巡  
司銷繳

一福安縣轄本港年銷正引四百二十  
引

一寧德縣轄水滌西坡樓前三港年銷  
正引六百零五引又年認細鹽課正  
價脚珠銀一百四十七兩一錢四分  
三厘所煎鹽斤運福安壽寧等縣散  
賣民食票投各該縣鹽官及漁溪巡

司銷繳

一 羅源縣年銷正引三十五引又年認  
細鹽課正價脚珠銀四十四兩一錢  
四分五厘所煎鹽斤運往福安壽寧  
二 縣散賣民食票投各該縣鹽官及  
漁溪巡司銷繳

一本港每幫銷引三十五道分司給小  
票二千六百二十五張付商轉付廉  
村穆洋水客紹運引並賴倉轉賣松  
溪政和山客挑回各縣散賣票投該

縣銷繳

一水滌西陂港每幫銷引三十五道分  
司各給小票二千六百二十五張付  
商轉付莒州水客昭運引鹽頓倉轉  
賣古田松溪山客肩挑回縣發賣票  
投各該縣查銷

一桐山港每年銷引五十二道續議加  
引八道令納課餉不准支並只額並  
三斗一萬五千斤分司給發小票一  
千五百張付商轉付沙埕水客昭賣

温州收魚過客及在下灣腰南鎮流  
江各漁民炤並赴沙埕抽稅官查驗  
完日票投本官繳銷

一樓前港年銷引目四十五道載額並  
二十七萬斤分司給發小票二千四  
百張付商半賣松溪政和山客肩挑  
由銅鏡舖經過半係古田縣山客肩  
挑由石壁嶺金溪橋經過二處俱無  
官司票投寧德縣銷繳

一文岐港年銷引目三十五道載額並

二十一萬斤分司給發小票二千四百張付商轉付該港漁民照鹽醃醃內州城小販轉賣灣民經海防官查驗完日票投該州銷繳外有三沙青皓青灣七都票投青灣巡司古田大倉間峽沙洽漁洋竹嶼票投高羅巡司潭浦下許赤岐火燒灣票投延亭巡司各查驗完日票投各巡司銷繳

二羅源港年銷引目三十五道載鹽二十一萬斤分司給發小票二千四百

張付商轉付該縣及古田縣山客挑  
回本縣散賣民食票投各該縣查完  
日投縣彙繳

一 蔡嶼港年銷引目三十五道載鹽二  
十一萬斤分司給發小票一千五百  
張付商轉付本地漁民炤鹽醃醃完  
日票投賣巡司查銷

南路引鹽年銷八幫共銷引二百道行  
省城內外 洪塘潭尾沙溪枹樵各  
地方散賣民食

又永福縣年限一幫銷引五十五道收  
買駝馱肩挑餘鹽散賣本縣民食  
均派鹽引

上里等三場灶戶每年內鹽多少不  
同應須酌派西路派上里二百七十  
引海口九十引牛田四十引東路派  
上里二十三引海口八引牛田四引  
南路派上里三十七引海口十二引  
牛田六引  
追繳退引

查得商人不得繳退引多將舊引影射販賣私鹽續蒙

按院行司水客折買鹽引分司給水程票折引聽其所報前去該縣發賣完畢將引票赴各縣投繳各府清軍館轉繳本司查銷其商人發賣幫限銀兩價值經

巡按何定為每吊三錢之例追繳程票亦各定以一月之期屢經案行查照題

准事例各報于行按月比較查追退引及  
查覈各縣給由官員追繳數目近又  
該運使姜恩申明舊例但今水客往  
往違期各處官吏任意坐視雖退不  
在商人之手反在水客壅留作弊矣

查革老引

塩場之弊多因老引在商不行清查  
以致不填年月不繳引角遂成老引  
雖有剪去引角中間又有不填商人  
姓名及有洗改年月字樣經過批驗

不行覺察輒為包封至於折引給發  
水客之時方驗前弊此由不清老引  
之故也查得兩淮清查考引之法甚  
嚴每年終巡鹽御史同按察司管鹽  
官督同運司官吏清查各場見在守  
吏商人原領引目於何年月日某字  
號起至某字號止引目共若干已出  
場若干未出場若干分別舊管新收  
開除實在總撤文冊今若依此法則  
在場無不剪角之引已為者不可復

留收引無年老之奸未剪者不敢長  
恋而影射出沒私益之弊可除矣

西路下場支益剪一角過閩安鎮剪一  
角過竹崎所剪一角送水口分司折  
給水客賣完投各該縣彙繳各府軍  
館轉繳運司鑒孔彙繳

戶部

東路下場支益剪一角黃崎分司剪一  
角賣完繳運司鑒孔彙繳

戶部

南路下場支益剪一角閭安鎮剪一角  
南港分司剪一角賣完繳運司鑒孔  
彙繳  
戶部

# 鹽丁

一本司所屬柴場鹽課司每場團埕不  
等上里場三十一團海口場三十一  
團牛田場六團惠安場五團潯美場  
十九埕浯州場十埕涵州場六埕七  
場鹽戶原共一萬三千九百一十戶  
即係民戶但著令受鹽名爲竈籍非  
鹽自爲戶也其丁產之數悉照民冊  
開載自國初以名戶之丁辦鹽復計

其戶之產受塩除里甲正役併納糧  
外准免民差襍役查弘治五年造冊  
實在之數七場共該丁產受塩一十  
萬五千三百四十引二百六十五觔  
八兩九錢厥後攢造遂以爲據雖丁  
產有盈縮不等而勾總受塩之數不  
失前額至今遵守載在會典此本司  
塩課之定額也

本司所屬上里等七場

八戶共計一萬三千九百五十六戶

人丁男子五萬一千二百一十一丁  
成丁三萬五千八百五十一丁受正耗  
鹽四萬七千二百七十三引三百三  
觔一十二兩八錢八分增羨鹽二千  
七百一十二引二百九十三觔  
不成丁一萬五千三百六十丁

田地山海蕩塘六千四百單三項五十畝  
五分一厘七毫二絲二忽八微六纖  
二渺受正耗鹽五萬五千三百二十  
五引零八十六觔九兩

上里場

人丁男子一萬一千六百三十四丁

成丁七千六百八十一丁受正耗鹽六  
千三百三十四引一百二十二觔一  
十二兩八錢八分增羨鹽二百六十  
一引二百一十五觔

不成丁三千九百一十三丁

田地山一千六百四十六頃一十五畝二  
分八厘二毫八絲三忽受正耗鹽一  
萬三千六百單四引二百四十四觔

海口場

一錢三分

入丁男子一萬五千二百七十三丁

成丁一萬二千二百三十六丁受正耗

鹽二千零三十七引八十七觔增羨

鹽二百零七引二十九觔八兩

不成丁三千三十七丁

民田園一千八百八十五頃一畝一分二

厘七毫六絲一忽受正耗鹽八千九

十九引二百七十三觔六兩

牛田場

入丁男子九千四百零二丁

成丁七千六百八十丁受正耗鹽二千

五百六十二引增羨鹽四百零四引

一百六十斤

不成丁一千七百二十二丁

民田一千三百二頃七十九畝六分八厘

五毫二絲受正耗鹽六千五百九十

五引一百六十六斤四兩

惠安場

人丁男子二千七百單九丁

成丁一千八百二十丁受正耗鹽三千  
三百四十八引六十觔增羨鹽一千  
四百五十二引四十觔  
不成丁八百八十九丁

民田塲山塘池蕩三百六十八頃九十一  
畝五分受正耗鹽二千五百五十一  
引三百四十八觔十兩八錢

泗州場

人丁男子一千九百七十九丁

成丁一千五十一丁內除生員優免四十五丁外實差一千六兩受正耗鹽三千三百九十二引三百一十一觔增羨鹽九十引三百二十觔八兩不成丁九百二十八丁

田地山蕩池塘海嶼湖二百三十三頃

九十六畝八分六厘七毫二絲四忽六微二纖受正耗鹽五千八百一十九引三百八十七觔一十二兩

梧州場

入丁男子五千九百四十八丁

成丁二千四百二十八丁受正耗鹽八千五百八十六引六觔增羨鹽八十一引三百七十八觔

不成丁三千五百二十丁

田地山池塘四百九十五頃一十二畝三分七厘八毫內革差二頃七十畝六分九厘八毫實受鹽四百九十二頃四十一畝六分八厘受正耗鹽六千三百九引三十六觔一兩

潯美場

入丁男子四千二百六十六丁

成丁二千九百五十五丁內優免併除  
豁絕戶一百五十五丁實差二千八百  
丁受正耗鹽二萬一千零一十三引一  
百一十七斤增羨鹽二百一十四引三  
百五十斤

不成丁一千三百一十一丁

民田地山場池塘四百七十二頃三十八畝  
七分九厘受正耗鹽一萬二千三百四

十四引二百三十觔七兩七厘

均定課賦 志書

濱海小民貧富不一多有賦役不均甚至逃亡逋負今後該司十年攢造黃冊者查將各場灶戶額課丁力盡數開報如人丁盈額多者編為總催五年一更分管灶戶督催灶丁完課

優免事例 附

殘疾年老不堪煎辦者俱開除寡婦守節子未成立者其夫遺課免辦待

子成立別議見任官以禮致仕官舉人監生曾經科舉生員俱照例優免其附學未經科舉者例不在優免之數

### 查補鹽丁

各場鹽丁辦鹽輸課往往單丁老弱貧難下戶辦納不敷漸至逃亡總催受累今殷實大戶煎鹽尤多合昭民間審編事例就圖內丁多糧大者折戶補充其灶戶丁多家富者亦行攤

拆灶丁辦課以補逃結

優免差役

茲場灶戶之家聽令開晒辦課正役  
納糧之外樵汲差役例該優免若  
場灶丁近有置買民田者聽民糧科  
差原奉

御史沈粘 奏

准見今遵行

逐詔令奏准附

洪武二十七年令優免灶丁如民壯

水夫等役并聽差銀兩勸借櫟糧等  
項照例蠲免仍給由帖存照景泰五  
年兵科給事中奉行天下有司凡灶  
戶之家除正額納糧外其餘長解隸  
兵禁倉庫役一應櫟泛差併科派等  
項盡行優免

清覈詭寄

鹽場灶丁有田糧者照丁優免往往  
奸頑富戶私通貧灶囑托飛詭田畝  
在戶俸求優免俾小灶徒負有田之

虛名富豪及受免丁之實惠宜于造冊之年查吊灶黃二冊及該都畝里書總催灶丁人等到官查有前項施寄炤冊改正當差其實受免田仍炤優免庶差役均而詭寄息也

# 鹽限

凡西東南三路商人支鹽原領號帖信  
牌各一張西路催海船二隻東路催  
牛船一隻南路催剥船二隻各寫商  
人船戶某某條填牌帖送赴

院道掛號定限一月報到依限回銷  
如船鹽於何年月日到鎮該鎮即將  
牌帖填明商某船某於某年月日到  
鎮用印鈐蓋具文報司本司亦將牌

帖填註到鎮投銷日期用印鈐蓋具  
由呈詳 按院銷號其依限者批司  
免究如有違限違及旬日杖懲一月  
以上擬徒若違至二月以上從重究  
擬仍加枷責

一定違限罪罰萬曆四十五年七月內  
鹽法道按察使畢 爲清查鹽法事  
照得東西南三路各商支鹽原限一  
月報到蓋酌水程遠近而爲商課慮  
至深遠也今查各商一領引目展轉

稽延或聽奸稍包攬違限不過杖贖  
了事至於臨幫缺塩奏編前後相扯  
憲單不一有因一號未到致耽九號  
莫能出倉商梢玩法良可痛恨擬合  
嚴行申飭爲此牌仰本司呈堂炤依  
事理即便嚴飭東西南三路各商以  
後支塩俱要依限報到不許愆期如  
違至旬日以上杖做一月以上徒愆  
若二月以上從重究擬仍加枷責報  
到次日即便親齎牌帖船由及剪過

引目赴道驗銷本道查明違限久近  
即時發落然後行司分別究罪聽有  
故違不論到鎮日期只以銷日爲準  
不得寬假須至牌者

凡西路水口年限五幫每幫十商每商  
領引目一封計四百道每引一毋一  
子共二十五萬三千斤商人領引每  
引先納引價銀三錢運司追收給票  
付照至領引時執票赴司告領引目  
牌帖赴

院道掛號催式船二隻前往海口牛  
田上里三場剪支毋鹽另用價買子  
鹽湊裝完滿定限一月報到駕至灰  
崎地方由閩安鎮批驗所驗明報道  
運司給牌過鎮仍將牌帖及批驗所  
查剪引目赴道銷號委南港官往驗  
聽商盤入平頭船駕至南台上倉着  
該倉官查驗鹽斤足數給與印信結  
狀發商齎赴本道請給號票該倉官  
仍將鹽商到倉緣由申道印發封條

行南港官曾同該倉官將倉鹽封貯俟當幫日聽本道擇委該司廉能首領官督驗將鹽出倉裝貯竹簍今改桶每簍照本道新鑄較定鉄式重一百一十五斤加簍索耗等鹽在內每商該鹽二千五十簍又加課鹽一百五十簍每幫十商每商裝鹽三剥船十商共三十剥船駕至竹崎所本道委福州府理刑館或閩候兩縣親詣抽掣如有多餘割沒經詳

按院仍詳本道查考掣畢該司用印  
信封條封鎖聽委官押運過所剪引  
該司填給紅牌十面同引目及剥船  
由送道掛發炤賣其藍每幫限定七  
十日出倉押運俱在其內每年五幫  
初幫限正月二十日二幫限四月初  
一日三幫限六月初十日四幫限八  
月二十日五幫限十一月初一日各  
至水口前委理刑館或兩縣各炤前  
開幫期照所掣驗如有多餘炤前割

沒報

院及本道查考各縣先期喚集水客  
責令管鹽官押赴水口查照派定引  
數承買如及期而水客不至該分司  
查係何縣違違報提管鹽官併并  
水客一體治罪水客運鹽至延平府  
浮橋仍聽該府清軍館親臨查掣如  
有夾帶即行究沒每幫十商倘有失  
水少則買奏多則即於次幫扯補若  
幫期已迫則本幫九商次幫則十商

總令每幫十商之數一切舊單票搭幫嚴行禁革幫鹽俱要依期賣完違即追牌並仍究沒次幫接日開賣如前法行前並開幫時該分司刷水程票五伯張送道印發每張夾引八道明註載並四十四簍分給水客往各縣沽賣完日投縣引目類繳運司繳部水程票類繳分司繳道該分司仍將開幫日期報道查考幫並賣完就于每高冬下追納餘價牙稅加課等

良共二伯六十四兩六錢四分九厘  
零十商通共銀二千六百四十六兩  
四錢九分零該分司給批差首名商  
入齋赴

院道掛號解赴運司秤收類解完日  
仍赴

院道銷號各商領引時運司印刷憲  
單一十本送

院掛發本道填定月日期限併委出  
倉押運官員職名逐一用印鈐蓋轉

發該司給商運船支並該司仍將本  
道委過官名及限過日期報  
院查考幫完該司將單類繳  
按院查銷

九東路本港年行十二幫水滌西陂港  
年行十六幫每幫一商領引一封計  
三十五道共載鹽二十一萬斤商人  
領引先納引價後領引目運司填給  
牌帖赴  
院道掛號催牛船一隻下場支裝母

鹽仍用價買子鹽裝完駕到白石巡  
司該司申報道司知照商齋牌帖赴  
道銷號仍即委官詣看圍量多餘鹽  
斤照例割沒商稍究罪驗畢分司登  
記照序閭撥內三港黃崎本港共限  
一十八日外加路程往返七日水際  
西陂各限一個月外加路程往返八  
日如遇歲暮春初各寬六日收冬插  
田各寬十日外五港桐山寨嶼文岐  
樓前羅源各限一年無路程桐山銷

引一封零十七道蒸嶼銷引一封文  
岐銷引一封零八道樓前銷引一封  
零十道羅源銷引一封各焰閭撥賣  
續於天啓五年該本司議詳將文岐  
加引八道併入桐山代銷令其焰引  
加納課餉不准加塩俟當帶日運司  
填給紅牌令商齎赴本道掛限各港  
不用水程票該司印給小票發商填  
付水客山販焰賣完日小票繳司紅  
牌繳道遠限究罪之外仍分別內外

港加罰餉銀湊九軍餉六港違七日  
永滌西陂違八日止問罪此外違一  
日炤數罰課違只十日炤常發落過  
則論徒外五港違限亦炤日罰課

### 罰課銀數

一本港違限每日罰課銀一兩七錢七  
分七厘七毫七絲七忽七微七纖六  
渺

一水滌西陂違限每日罰課銀八錢八  
分八厘八毫八絲八忽八微八纖

一 桐山寨嶼樓前遠限每日罰課銀一錢二分三厘四毫六絲

一 文崎遠限每日罰課銀八分三厘三毫四忽五微四纖

一 羅源遠限每日罰課銀六分二厘七毫二絲八忽三微九纖五塵

一 南路省城水部門外新港地方爲南路內港以船二隻爲一幫每年共限銷引八封分爲四季魚冬銷引四封春夏秋銷引四封每季銷引一封五

十五道共載鹽一十萬二千斤商人  
領引每引先納引價銀三錢後領引  
日運司填給牌帖送赴

院道掛號催剥船二隻往三場支買  
母子鹽十萬二千斤定限一月報到  
齎牌帖赴道驗銷違即行司究罪支  
鹽完滿駕至閩安鎮具報批驗所查  
明駕至新港請給紅牌炤賣內港新  
舊二商魚冬三個月春夏秋三季九  
個月續於萬曆四十七年蒙

鹽道畢 議將紅牌全年請給課銀  
按季追納完日將牌銷繳違限各究  
罪如引目不繳即令該商賠課鑒引  
外港壺江北茭奇達定海 石連江  
六灣民僉呈認課散幫每澳炤引課  
等項認納銀九十一兩五錢三分六  
厘零每年每灣給票一百二張每張  
載鹽一千五百斤每年分為夏冬兩  
限四月十一月兩次納課灣僉一長  
催完課銀赴五虎巡司報明起解赴

運司評納運司將票送道掛發分給  
灣戶報炤買鹽卽於票內明註某年  
某月某日某場支買裝鹽至本灣散  
用李終票按巡司繳道查銷夏季鹽  
票不得混行冬季違究如律冬季亦  
如之仍行五虎遊標遊巡緝如有赴  
本澳入閩安鎮白石巡司者卽許所  
在官司擒獲同私鹽論天啓六年十  
二月十九日爲遵舊制時宜以通商  
課事蒙

鹽法道右布政使林 案驗該蒙

巡按御史周 批該本道呈詳南路

紅牌一年三給併給水程照賣等緣

由蒙批定南鹽賣銷之法均四季勻

搭之規私販絕而官引通矣如議轉

行遵照如奸商違限規避攘奪者一

體治罪此繳蒙此案照先據運鹽司

呈詳前由到道該本道覆看得南澳

商鹽歲限銷引八封春夏秋三季四

封冬季四封以時有涼煥景分美歹

也近因奸商避夕趨美淮冬是競遂  
創爲統給紅牌之議而始之一年兩  
限者今且長年無限矣蔽江而載者  
皆南鹽也終歲而販者皆南商也官  
私不可辯哨捕不敢呵西商所稱船  
不計隻鹽不計斤之說豈虛語哉該  
司目擊前弊銓意清厘議定紅牌一  
年三給春季正月初領引二封以支  
鹽給紅牌一面以炤買係水程票二  
十張以炤鹽定限一百日賣完隨給

冬引二封先收執至夏季四月內如  
前給領至於冬季總引四封一併照  
給如有限內引目不繳卽着賠銷通  
計一歲以春搭夏幫以秋搭冬幫市  
美反相勾引目給銷如限奸商無容  
于規避豪猾難肆於攘爭况照舊有  
程票幫限有定期視昔之船不計隻  
並不計斤皆可求杜至於肩挑入城  
又給銅牌七面懸掛各門門軍把守  
商丁協查有票爲官無票爲私又何

私鹽闖入之足患據議妥確鑿不可  
行似應允從合候詳示行司俾南港  
分司一體遵炤等因具由炤詳去後  
蒙批前因擬合就行爲此除行南港  
分司遵炤外案仰本司呈堂炤依批  
詳內事理即將南港紅牌一年三給  
春季正月初着令各商領引二封赴  
場交鹽報到給與紅牌一面水程票  
念張每張載引鹽一萬斤着各商齎  
赴本道掛號定限一百日賣完其程

票併紅牌卽照限一起赴道銷繳隨給冬引二封付與收執至夏季四月中令各商領引二封支鹽報到又給紅牌一面併水程票二十張仍限一百日銷繳又給冬引二封併前共給過四封聽商支鹽接繼秋冬之幫再給紅牌一面總照至十二月終止銷繳如有限內引目不繳卽令該商賠課銷引仍照例究罪又給發銅牌七面懸掛各門責令門軍把守商丁協

查其挑鹽入城者如無南港官票即係私鹽許門軍併商丁捉獲送官究治如有奸商掛銷紅牌引目故違原限乘或機規避併藉勢攘奪者定行從重究處等因依蒙見在遵行

凡裝東路細鹽式船一隻給船由一張定限一年銷繳限滿依期投司查明何年月日用印鈴蓋具由申詳院道銷號如有違限批司罔例問罪鹽法道右布政使林 爲鹽運愆期

謹按時事陳末議以恤商困以清鹽  
法事蒙

巡按御史周

批據運鹽司呈詳商

鹽封期壅滯議請更始寬恤等緣由  
蒙批幫鹽壅滯至今日而極矣恐飭  
更始宜有一定之法歷幫相壓姑以  
出倉日爲始而支鹽到關計日計月  
定罰斷不容寬假者也並道覆酌速  
報蒙此牌行本司即將該司議詳幫  
期紅牌出倉等項計日計月查照成

規不容寬假毋致幫塩壅滯積壓枵  
仍務求妥確限五日內具由詳報以  
憑覆酌轉報施行等因蒙此隨該本  
司運使宋維翰覆看西路商塩歲限  
五幫從來久矣邇因新引增加塩浮  
舊額兼以人心怠玩支買多不如期  
以致歷幫相壓少者違限三兩月多  
者違限六七月計月而究沒之夫復  
何辭

按臺念幫之壅也非止一日限之違

也非止一人慨然批允歷幫相壓姑  
以出倉之日爲始卽成湯解網之仁  
何加焉第法嚴則人勝之難法寬則  
人又犯之易若不酌爲一成之法終  
爲求久之守者謹考之律例稽之事  
宜近例與粵東鹽政考又叅之道府  
問過舊案量其違限之久近以爲罰  
罪之重輕夫違限有二一曰支鹽違  
限商人領牌帖赴場支鹽總限一個  
月鹽政事例云違至旬日以上杖儆

一月以上徒懲若二月以上此玩法之尤者從重究擬仍加枷責不詳謂其究擬之罪今招

前院批允副使高問過王國隆之

招而斟酌之違限二月坐影射與販之贓罰銀三十兩每月加銀十五兩各擬徒九月以上並盡沒官革去商名另招新商頂補此支並違限之罰也一曰紅牌違限自出倉以至賣完總限七十日並政事宜云幫並俱要

依期賣完違卽追牌鹽仍究沒亦不  
詳其究沒之數今昭

前院批允知府勞永嘉問過黃承寵  
之招而斟酌之違限旬日以上杖警  
一月以上徒懲二月坐影射興販之  
贓二十兩每月加十兩各擬徒違至  
九月以上塩盡沒官革去商名另招  
新商頂補此紅牌違限之罰也二曰  
相較紅牌違限之罪較支塩違限者  
稍輕緣此七十日內有竹崎水口兩

掣水客不至不無耽延時日不比赴  
場支益得以自由也原詳有到開遠  
限一款以出倉之日為始至賣完總  
限七十日則到開之久近固可無論  
矣此法一定求為遵守不得復為延  
挨再致壅遏使令之更始者又為積  
弊誠如

按臺所批計月計日定罰斷不容寬  
假者也至於歷幫相壓情非得已矧  
積習之久人徂以為常定罰之令似

當嚴於將來而寬于既往也抑職尤  
有懇焉水客與商人同事一體故憲  
卑期於一日到關良有深意今水客  
不至則商人之鹽積而未有售主鹽  
不出倉則運鹽之船壅而不得吊空  
職卽欲催商人封、相接不使間斷  
安能神運而鬼輸哉則申飭有司督  
催水客是在

上臺加之意耳職之鄙見若此惟復  
別賜定奪具由呈詳本道該本道覆

看得行塩有二限有支塩之限有紅  
牌之限出場支塩原以一月爲期無  
容再議惟是紅牌之限節次多違以  
致歷幫相壓若不嚴爲申飭塩法不  
得行矣蓋西路商塩歲限五幫之限  
七十日五幫之內缺一幫則課額虧  
七十日之中遲一日則船幫滯合五  
七三百五十日之期完一年三百六  
十日之課確然不可增減此運司議  
欲稍寬而本道以爲未可者也惟是

所奉憲批歷幫相壓姑以出倉日爲  
始蓋因堅持雅操好字五幫相壓法  
難緊繩姑從寬政耳第出倉之期恐  
有遲速倘前幫已完而後倉未出日  
復一日將如之何詰之則曰水客未  
至也前船未回就中稍有曠日便生  
無限稽遲是必幫々相接日々相承  
今日因開限滿明日南臺出倉違者  
重罰方為定準至於水客不至責則  
有司益船壅積責在運司當各屬積

弛之後值官鹽壅滯之餘極知一時  
掣肘難行而彈座炙厓勢不得不出  
於此倘各屬有痛癢不相關呼吸不  
相應聽私鹽之充斥任水客之抗違  
者請以功今從事所議紅牌違限  
之例忝新舊以折其衷權輕重而定  
其罰運司條引頗悉其詳伏候  
憲酌頒行總以詳定之日為始法在  
必行有犯莫貸至於持雅操好四幫  
之逞總因堅字一幫作肩而起重繩

其首犯者而稍寬其餘此則

本院法中之仁非本道所敢輕議也  
等因轉詳

本院周 批西鹽歲行五幫支蘊之  
限與紅牌之限事宜昭々可循但奉  
行者不力耳及今嚴為申飭不容寬  
假該道所云缺一幫則課額虧遲一  
日則船幫滯滯誠有味乎其言之也至  
出倉之日為始因堅持雅操好五幫  
若以法論各船盡當究沒姑從寬以

惠商乃爲已往者言非爲未來者言  
也不然後幫不接到關愈遲不更滋  
之弊乎至水客鹽船責成府縣運司  
俱如議行紅牌違限之例仍頒示南  
臺水口使各遵守其四幫遲悞行司  
定罪另詳此繳

福建都轉運鹽使司

爲幫限妨礙

礙宜正號天詳請以示遵守事天啓  
七年正月十九日蒙  
鹽法道右布政使林

案驗該蒙

巡按御史周 批該本道呈詳西路  
幫塩出倉寬限等緣由蒙批爾自兩  
幫相壓暫為變通如議於限前寬一  
月以爲盤掣之地如後幫也疏通當  
另詳亭止以防他弊此繳蒙此案昭  
先爲前事蒙本道批據自字幫商人  
鄧相籌僉呈一年三百六十日西路  
欽定伍幫一幫各七十二日實幫商費塩  
實日若論出倉本司

祖制設循環二幫循字號塩在開賣完環

字號如卽頂閑繼賣本司仍將循字  
號船催商出倉償駕閑下承接一來  
一往實預出一幫以待上幫原不在  
案二十日之內

鹽法道按察使畢 鹽政事宜雖刊  
總計隨見妨碍卽未頒行歷來出倉  
年月在案一查立見今

院爺留心幫限欲炤出倉筭起敢不  
遵依但出倉定期卽當改于上幫賣  
完之日不當仍在上幫到閑之日各

幫方有賣鹽實日即議罰亦情罪無  
虧今上幫爵幫舊年十二月六三日  
候官縣掣驗開幫相等自幫本司已  
於十二月初一日責令相等出倉今  
已將完則目前七十日皆爵幫賣鹽  
實日將何日與相等自幫賣鹽是一  
日繩兩幫而罰兩商何幫不違何商  
不罰無奈冒控 爺懇乞將相等  
出倉日斯併爵幫開幫日期請詳  
院爺恩賜酌定如從出倉算限出倉

求改正于上幫賣完之日如遵依

祖制仍預出倉幫限求改正於上幫繳牌  
之日庶一幫七十日不紊五幫三百  
六十日無稽上幫違罪上下幫違罪  
下恩豁重罰良法可行窮商少甦等  
情蒙批此呈甚見明析仰運司酌妥  
速詳毋違繳蒙此隨該本司運使宋  
維翰看得紅牌違限歷幫相壓有違  
至六七月以上者 本院軫念商瘼  
慨然開三面之網惟以出倉日爲始

豁罪強半罰不爲才輕恩不爲不厚  
各商猶歟。更欲詳請幫限者何也  
蓋一年五幫每幫七十二日共合三  
百六十日也。蓋政事宜謂每幫限定  
七十日出倉押運在內。彼時值其盛  
水客接踵而至。無抗違之虞。剝船脚  
尾而進。無匱乏之患。事無掣肘。力可  
從心。此出倉開駕幫在七十日之內  
而足也。若今則有不然者。客不依期  
到。閑船少。不敷用矣。事艱難無可

奈何各幫尚有未出倉者也違三四  
月矣今據各商苦訴原有實賣之日  
有虛耽之日水口發客是實賣之日  
也出倉盤掣是虛耽之日如爵幫六  
年十二月十三日候官縣掣鹽開賣  
自幫已十二日出倉矣則目前七十  
日皆爵幫賣鹽之日將何日與自幫  
賣鹽耶既屬爵幫自不應又屬自幫  
一日而兩幫俱筭則一違而兩幫俱  
罰此衆商所以有遙壓之控也若必

上幫賣完而後令下幫出倉則竹崎  
有掣水口有掣不無耽悞時日反誤  
吊賣之期合無仍令預先出倉一年  
之中總寬一月以為出倉盤掣之期  
後幫多接續自不相壓而七十二日  
總屬貴塩上幫繳牌之日即下幫實  
限之日也爵幫違限罰爵幫之商自  
幫違限罰自幫之商兩不相涉即如  
塩政事宜所稱違即追牌塩仍究沒  
彼亦何說之辭哉等緣由詳蒙本道

覆看得西路商鹽歷幫相壓以致遠  
限日久詳蒙

憲定以出倉之日爲始蓋酌情法之  
中立畫一之案固宜通行無弊而各  
商猶復曉々告改者何也蓋每歲五  
幫每幫七十二日彼此不得相侵而  
幫分上下運若循環前後不當相踏  
此七十二日者以爲一幫賣鹽之日  
則商得自如而以爲兩幫相待之日  
則日若虛度今爵幫方於十二月十

三日掣驗開幫而自幫已於十二月  
初一日出倉將盡則目前七十二日  
皆爵幫賣鹽之日也復將何日與自  
幫而自幫何時得賣盡此亦窮則變  
則通之時矣今從排蔽壅塞之中  
尋一疏通活變之路宜于幫前出倉  
一月以爲竹崎水口盤掣之期此一  
月者乃虛空不用之日非定限七十  
二日之中之日也但于目前少寬一  
月則幫俱有餘日而一年之中亦

只總寬一月無汶于幫期有裨於實  
用如上幫在水口閑吊賣下幫於限  
一月之前即在南台出倉開駕聽掣  
頂繼幫期而以七十二日與為賣塩  
實日是上幫繳牌之期即下幫實限  
之日也如上幫違限則罰上幫之商  
下幫違限則下幫之商即使追牌沒  
塩商亦何辭自解哉如此則罪歸一  
幫既免並繩之困而幫々相繼亦無  
積壓之虞合候詳示運司及水口分

司一體遵炤仍限定爵自二幫紅牌  
出倉之限以便遵行等因具白炤詳  
去後蒙批前因到道備案仰司呈堂  
炤依批詳內事理即便遵炤將爵自  
兩幫卽定紅牌出倉之限總於原限  
之前寬一月以爲盤掣之地而以原  
限七十二日爲賣鹽實日如上幫如  
上幫在水口開吊賣卽令下幫商人  
于限前一月在南台出倉裝桶開駕  
聽掣以繼幫期如上幫逾限不完則

罰上幫之商下幫違限不到則罰下幫之商仍照事宜追牌究沒以後幫期疏通之時該司即便另詳停止以防他弊仍將定過爵自二幫限期具由報道查考以便遵行等因蒙此見在遵行

# 鹽界

閩郡九八福興泉漳大海爲疆則產鹽之區也延建邵汀重山是扈則行鹽之界也鹽雖民生日用所不可缺其味苦鹹用能幾何必食之者衆斯利從而生閩省八府舊皆行食福鹽所產之地與所行半視淮浙相去遠甚後以南贛軍興汀州借行廣鹽又虧一府是以鹽日多而價日賤利輕課

拙矣善治家者物產盈必求以易之  
不使以積生蠹蓋事何獨不然議者  
尚思截江西之廣信建昌以入閩而  
汀州顧久委於廣今舉全閩運司歲  
額不及兩廣提舉司之半正應裒多  
益寡詎宜割此與彼始以軍興而借  
兵革既息何得久假不歸夫閩額派  
之引未減於當年而行鹽之方久割  
于隣省是虧閩以益處則盈而閩  
則縮矣

西路商人行塩地界

延平府

南平縣

順昌縣

將樂縣

尤溪縣

永安縣

沙縣

大田縣免銷引遶年納課銀一伯

兩萬歷四十六年起

建寧府

建安縣

甌寧縣

建陽縣

崇安縣

浦城縣

邵武府

邵武縣

光澤縣

建寧縣

泰寧縣

東路商人行鹽地界

松溪縣

政和縣

壽寧縣

寧德縣

福安縣

羅源縣

福寧州

南路商人行鹽地界

枹

撫

白石頭

沙

溪

芋

原

洪

塘

潭

尾

省城內外上越至竹崎所下越至閩安

鎮俱以私鹽論

# 鹽倉

各場鹽丁猶各縣之有里甲鹽丁之  
辦納鹽斤猶里甲之供納賦稅鹽歸  
于倉猶賦納於官也嘉靖九年該本  
司副使蔡芳牒爲移蓋鹽倉復舊以  
革夙弊事開稱上里場額辦鹽二萬  
二百引除依山折價解京外所有附  
海鹽四千三百四十三引俱收在厥  
聽候遞商近年籽捏將附海引鹽私

自造馭汝頓離湯七八十里或百餘里場官莫能防範虛出通關通同盜賣及至派商兌支却乃有厥無鹽紛，告擾隨查舊時總倉基址見在議令各埕將木植磚瓦移蓋復舊收貯鹽課等因呈蒙

按院蔣批訪得上里牛田俱無鹽厥仰司查明另報依蒙轉行本官勘過牛田場總倉基址見存有誌可考隨畫圖併起蓋緣由先行呈詳蒙批呈

考誌則確然有證披圖則瞭然在目  
仍作總倉規復舊制又該踏勘上里  
場古跡倉基即在附場涵頭街小巷  
丙平坦廣濶縱橫三千餘步堪復總  
倉備將耆民郭恭甫等牒報本司轉  
解本院覆審蒙批各犯既供結愿作  
總倉責令起工蔡副使督完報繳遵  
行本官督完總倉備牒到司回報訖  
一向俱在總倉收貯引益後又上里  
場黃俊四等僉合洪武以來各隨港

灣立厰收支嘉靖九年移造上瑣山  
納鹽不便往來挑負乞炤舊隨團倉  
厰基址起蓋等情蒙

按院高 批前因依蒙該本司勘議  
得總倉之設鹽課進厰便於防範但  
搬運艱難民情當恤其東埕西津前  
科後科赤港五團聚倉似亦便民內  
東埕西津二倉只離場一十二里已  
該勘得相應炤舊上納總倉外其赤  
港前科後科三處府從聽立三倉係

五團通力共築自行脩蓋收貯等因  
呈批仰司炤所議行此繳嘉靖二十  
六年三月內又蒙

按院金 批據牛田場灶戶鄭生輝  
等告撫上里復回倉團事例蒙批運  
司查議該司議勘各團與總倉相離  
隔遠比炤上里事例相

同欲將東西團附近總倉炤舊上納  
外其港東等五團寫遠俯便炤依隨  
團基址起厰着令十年總秤通力共

築收貯該課該場官攢封鎖秤子看守如有侵盜併虛出通關官攢俱坐監守自盜論轉申

本院蒙批據呈當俯從民便但港東五圍未會開明應該几倉過里相去幾何再查議報覆查得南圍與北圍相去一十里若度土中併立一倉共爲四倉則首尾運並相去又遠但昭依舊時基址設立五倉每倉各立廩十間輪流管收商民稱便昭詳蒙批

既經該司查勘相應依擬五團各立倉廩以從民便其收支鎖鑰該場官職掌仍不明閱視毋令侵漁繳後運使姜恩議欲炤舊總倉不許移建因院批已定議遂寢

### 南臺倉

洪武五年創二十四廩環以高墻弘治間運使金迪重修仍建官廳外門正德間運使錢承德建大廳夾室門廊及神祠碑亭晝夜樓公廨諸所嘉

靖間商人創私倉百餘所萬曆間以此山爲藩司前案不宜開鑿撤去三之一今見存倉廩一百七十四間商人陳興等塩倉一十九間

陳慶吉等塩倉一十八間

王大隆等塩倉一十間

周鐸等塩倉一十八間

倪進等塩倉三間

林常裕陳鴻等塩倉共三十七

間

廖子潛等鹽倉二十七間

洪貞賢等鹽倉二十四間

連龍張萬壽等鹽倉二十八間

上里場

上里鹽倉一十八間 蓋在場傍

下里鹽倉一十七間 蓋在隨團

海口場

鹽倉六十間蓋在赤上杞店王祥洪

淡白沙前港後港共六處每處蓋

倉十間

東村一團 十年秤子告稱寫遠運  
鹽不便免其建造每小引一引納  
價一錢二分五厘在場聽商派引  
照數交還

又商人翁邦華翁元鹽倉二間蓋在後  
港天啓二年本商赴帶管鹽道曾  
叅議告准建造

商人陳張洪鹽倉二間蓋在赤上天  
啓三年本商赴鹽道葛僉事告准  
建造

商人林奏績林壁鹽二間蓋在杞店  
赤嶼天啓三年本商赴鹽道萬僉  
事告准建造

商人楊茂鹽倉二間蓋在洪淡天啓  
二年本商赴鹽道萬僉事告准建  
造

### 牛口塢

鹽倉五十七間蓋在塢內左右兩傍  
惠安潯美兩州浯州四塢先年設有鹽  
倉貯鹽後因海路險遠且鹽色低黑

商不願走

奏奉勘合折徵銀米其倉遂至倒廢地  
基召民耕種炤畝納租徵解本司允  
作朝

覲盤費支銷續因地基崩塌減免外止該  
徵銀三十七兩二錢八分一厘三絲  
一忽內

惠安場年額租銀二兩八錢七厘

潯美場年額租銀一十八兩

兩州場年額租銀七兩九錢一厘三

絲一忽

潯州場年額租銀八兩四錢九分三厘

四場地租銀雖年額三十餘兩十年以來俱拖欠在民分厘不納徒有名無實矣

本港引鹽報到聽黃崎分司圍驗明白運至廉村穆洋頓倉挨序領牌發賣水滌西陂引鹽報到炤前圍驗運至莒州頓倉

# 鹽船

西路海船原額五十一隻為因大小  
不齊於萬曆三十三年間

題請奉

旨拆造一式每隻從頭至尾直長五丈三  
尺五寸除頭遮浪虛板七尺實長四  
丈六尺五寸計鉄索二百四十五股  
釣二個又除頭三艙尾空一艙裝貯  
損棋衣糧併梢水眠宿外實裝鹽一

十三艙立長三丈五尺深六尺八寸  
量頭橫濶一丈三尺五寸用鉄索兜  
圍頭截裝塩第一艙長三丈六尺三  
寸計鉄索二百一十四股釣一個中  
截裝塩過洋艙第五艙長四丈一尺  
八寸計鉄索二百五十三股釣一個  
尾截裝塩第十三艙長三丈八尺九  
寸計鉄索二百五十二股釣一個從  
頭至尾銅尺鉄索圍量合式仰路聽  
商僱用續于天啓元年間又爲欽奉

勅諭事蒙帶管鹽法道高 案驗蒙

巡按御史鄭 批該本道呈議加增  
新引船不足用准加海船一十二隻  
目今陸續見造八隻聽商奏催裝運  
船隻下場裝鹽如海洋失水及年久  
朽爛不堪裝載俱赴呈明查勘的實  
詳道補造委官丈賂公式方准駕用  
每船一隻給由一張每張由內刊刻  
格筐一十五筐代商裝鹽一次填由  
一筐載鹽一十一萬斤筐格填滿將

由投司送銷仍給新由送道掛號給  
照裝運

舊額海船五十一隻新引加增海船八  
隻見在裝鹽四十五隻俱經本司及  
委官丈路明白其失水未造一十四  
隻

西路剥船嘉靖十四年間

題請原額造一百隻每隻船身直三丈七  
尺五寸深二尺八寸橫濶前頭上面  
濶七尺五寸底濶五尺三寸後頭上

面濶八尺二寸底濶五尺八寸共一  
十九艙內除頭尾空艙安頓撥棋係  
中二艙俱不裝鹽外實裝鹽一十艙  
循環輪用承裝西路各商出艙引鹽  
續因年久朽壞只用十八隻又因減  
鹽議減二十隻只留六十隻續又朽  
壞與失水共存三十三隻因不敷用  
至萬曆四十七年十二月內本司議  
令船戶吳安等製造小剝共三十八  
隻每隻依大剝體式內隔艙數上

用門板以便封鎖如缺船聽商僱小  
剥二隻抵大剥一隻續因行桶船不  
敷用仍令各商稍陸續製造併前共  
一百零二隻與大剥相兼行用詳蒙  
批允丈量全式印烙掛給由票各一  
張照運循環聽各幫西商僱裝桶鹽  
運至水口開下吊賣延建邵三府水  
客見在遵行

西路平頭溪船萬曆八年十月內蒙  
監法道僉事鄭 案驗蒙

巡按御史安

批詳本道議允西路

額造平頭溪船一十三隻內除年久  
朽壞僅存八隻每隻船身除頭尾虛  
艙外實裝並十三艙直長四丈一尺  
計鎖二百二十九股釣一個橫濶九  
尺深六尺頭第一艙圍得三丈一尺  
四寸計鎖一百六十七股釣一個中  
第六艙圍得三丈四尺七寸計鎖一  
百九十一股釣一個尾第十三艙圍  
得三丈六尺一寸計鎖二百零二股

釣一個各給船由一張專泊萬壽橋  
下聽商炤序催倩駕至灰崎地方盤  
裝引塩運至南台上倉船由填筐見  
在裝行但溪船八隻不敷輪用相應  
補造俟另議詳

東路牛船萬曆二十七年三月內蒙

塩法道副使高 案驗奉蒙

軍門金 按院何批該本道議詳東  
路額造牛船共四十五隻免學愿加  
餉銀十兩每隻通船一十九艚直長

自頭盖板起至尾樅板止計鎖二百九十六股長五丈五尺內除頭三艙尾二艙稍水止宿安頓衣糧槓槓外實裝葢十三艙帶水艙一艙共長四丈水艙深七尺一寸五分前中後分作三截每截分作上中下三則內量外截上則極高至撤平濶一尺四寸中則極濶處一丈四尺下則極底至龍艙濶一尺五寸中截上則極高至撤平濶一丈五尺五寸中則至櫓枋

下極濶處一丈八尺六寸五分下則  
極底至龍舫濶一尺五寸後截上則  
極高至檣平濶一丈六尺五寸中則  
極闊處一丈七尺下則極底至龍舫  
濶一尺五寸水艙深七尺一寸五分  
外用鐵索圍量頭截神壇後第二艙  
計鎖二百三十股長四丈三尺中截  
係第十艙過洋後連加餉共鎖二百  
四十八股長四丈七尺四寸馮額前  
係第十四艙計鎖二百七十三股長

五丈一尺五寸後截第十七船計鑄  
二百六十股長四丈五尺七寸裝鹽  
共二十一萬斤俱係內量外圍合式  
明白詳道批允方准駕用聽候東商  
催倩下場依次輪裝引鹽每船給由  
一張領引之日將由投司送道填筐  
仍候當幫之日同紅牌送掛復填筐  
照費見在遵行

# 鹽牙

附牙稅

秤子

一水口分司原設鹽牙十名分爲循環  
兩班週歲更換逾年只以五名代商  
易貿引鹽一年已滿該分司將下五  
名換給腰牌送赴鹽法道掛號將舊  
役五名腰牌呈繳本道查銷

一黃崎分司內外八港行鹽設立鹽牙  
各一名代商貿易引鹽分司徑給牙  
帖付本港年納稅銀十五兩水滌西

陂二港各納稅銀七兩五錢桐山寨  
嶼二港各納稅銀二兩五錢樓前港  
納稅銀二兩羅源文岐二港各納稅  
銀一兩五錢通共銀四十兩分司徵  
完解司收庫類解布政司聽

軍門小賞支用

一延建邵三府各屬縣設有鹽牙隨縣  
分大小以為多寡延平府南平縣四  
名尤溪縣四名永安縣一名順昌縣  
六名將樂縣三名沙縣四名建寧府

浦城縣四名歐寧二名邵武府泰寧  
縣四名光澤縣建寧縣各三名邵武  
縣一名專代水客貿易引鹽該縣詳  
報該府清軍館印給本牙腰牌送道  
掛號仍行本司給帖付照原議週歲  
更換

一本色鹽三場秤子到場催附海鹽勸  
土倉聽商吏中名曰秤子每場每團  
編一名承當把秤凡遇商人領引投  
場收買引鹽者須用秤子同商灶

兩平交易依限取鹽聽從裝運應幫  
一年一更係該場舉報解司給帖付  
一上里場三十四團年該秤子三十  
四名

一海口場八團年該秤子八名  
一牛田場六團年該秤子六名

# 鹽桶

商人裝鹽舊製用篾炤較定鉄式重一百一十五斤加篾索耗鹽在內天啓五年各商赴

按院具呈改篾爲桶製桶以銅尺較定桶內高一尺七寸三分桶外高一尺九寸五分則無高低之弊又設以銅箍上週圍一尺九寸六分下週圍一尺七寸六分則無大小之弊製定

桶鉏桶里二十斤計鄉秤二十三斤  
每桶實鹽官秤一百一十五斤連  
較鄉秤一百五十六斤詳蒙

監法道葛僉事轉詳

按院喬批免自移字帮爲始又該署  
印郭運同議桶有乾濕鹽油浸入木  
桶內不無輕重不等掣時只將桶內  
淨鹽傾出較秤如有多餘割沒入官

# 鹽斤

一西路每引一母一子各鹽二百斤又  
火食耗鹽七十二觔加課鹽四十斤  
八兩又續議加補缺額課鹽三十七  
斤八兩共鹽五百五十斤總計每商  
該鹽二十二萬斤又加包索及折耗  
等鹽二萬二千斤運至閩安鎮所官  
查明內割出餘鹽一百六十斤解貯  
南台驛各衙門支買食用

西路商鹽始行散裝額鹽二十萬五千斤至萬曆十五年改行裝簍加簍索價折耗鹽二萬二千斤四十五年因解額不敷蒙鹽法道畢 每幫每商加課四十四兩准加鹽一萬五千觔本年十二月內蒙帶管鹽法道按察使程 案驗蒙

按院李 批該本道呈議改刻西路商人牌帖給商支鹽緣由蒙批新增

課鹽如議載入牌帖其簍索折耗鹽  
舊牌帖所無者不必入也蒙批到通  
案行到司遵炤外至天啓五年各商  
僉呈

院道改簍爲桶因桶貴簍賤除簍索  
價准作桶費外更加桶費鹽一萬一  
千斤先後加增桶費索簍價折耗係  
原正額共計二十五萬三千斤牌帖  
只炤原行開載二十二萬斤之數  
一東路每引一母一子母鹽一千斤子

鹽二千斤火食耗鹽一百斤通共一  
十萬八千五百斤外總加課鹽九萬  
一千五百斤又加納餉鹽一萬斤共  
載鹽二十一萬斤運至白石巡檢司  
報道委官查驗船內鹽斤如有多餘  
割沒變價入官每百斤一錢六分究  
罪招詳本道批行

一南路每引一母二子母鹽四百斤子  
鹽八百斤火食耗鹽一百一十斤通  
共鹽七萬二千斤外總加課鹽三萬

斤共載鹽一十萬二千斤運至閩安  
鎮所官查明內割出餘鹽二十二斤  
解南台倉聽各衙門交買食用

鹽場附海本色鹽觔

一上里場額派鹽八千三百八十三引  
一百三十一斤九兩一錢八分八厘  
一海口場額派鹽二千八百三十四引  
八觔一十一兩四分八厘  
一牛田場額派鹽一千三百四引五十  
一觔二兩二錢五分

以上三場引塩每引二百觔逐年  
場官催追入厰聽候本司派給各  
商領引支掣

# 鹽秤

萬曆四十五年四月內該蒙鹽法道  
按察使畢 牌行本司一切舊秤盡  
置不用依天平式用鉄造成鉄秤及  
鉄鉏依官秤重一百一十五斤一頭  
料鉏一頭掛藍共造五付一存本道  
一發竹崎所一發水口分司一發延  
平府軍館一存本司本司又造新秤  
四把鉄鉏木梗兩頭銅鑲朗星一存

本司一發南台倉一發竹崎所一發  
水口分司至天啓四年九月內蒙  
按院喬批允改簍爲桶因桶費浮  
於簍價准令每桶裝正鹽一百斤折  
耗五斤其原簍費五斤簍索重五斤  
共十觔准爲桶費計官秤淨鹽仍舊  
一百一十五觔桶數在外本司恐易  
鉏不便又令照桶斤數製造鉄牌四  
個附於原鉏之上稱較桶塩以覓更  
易原鉏一發南台倉一發竹崎所一

發水口分司一發延平府軍館  
鹽法道按察使畢 為鹽法事 照得  
本道清理鹽法日與該司嚴禁商人  
夾帶惟秤一節聞與布政司法馬不  
同尚在斟酌昨該司送水程票明註  
每簍鄉秤一百五十六斤準足官秤  
一百一十五斤則前道已有定式矣  
今一以此為準合行製造為此牌仰  
本司呈堂照依事理即交本道未登  
贖銀買鈔打造法式一椽四付一存

本道一發竹崎所一發水口分司一  
發延平府軍館權衡畫一胥役不得  
輕重商人便於遵守清理庶有實蹟  
限三日內解驗毋違

前書鉏五副其一付係本司添造  
計開

鐵鉏五付

官秤四把

鐵牌四面

# 鹽西示

凡西路商人領引一封四百道印給號  
帖一張編填某字號照序報催海  
船二隻填寫商船名籍同給信牌一  
張具文送赴

院道掛號往三場派走各團灶戶上  
里場走二百七十引海口場走九十  
引牛田場走四十引共四百引備填  
帖內發文支鹽三場將帖填註商某

船某於某年月日開駕離場該場印  
蓋船蓋運至閩安鎮批驗蓋引所驗  
明該所具申報日期繳道司查考

允惠路商人領引一封三十五道印給  
號帖一張編填某字幫號照序報催  
牛船一隻填寫商船名籍同給信牌  
一張具文送赴

院道掛號往三場派支各團照戶上  
里場支二十三引海口場支八引牛  
田場支四引共三十五引脩填帖內

發商支鹽三場將帖填寫商某船某  
於某年月日開駕離場日期該場印  
蓋船鹽運至福寧白石巡檢司該巡  
司驗明到鎮將牌帖備填某年月日  
商某船某鹽船到鎮用印鈐蓋繳道  
司查考

凡南路商人領引一封二十五道印給  
號帖一張報催剥船二隻填寫商船  
名籍同信牌一張具文送赴  
院道掛號往三場派支名圍灶戶上

生場支十七引海口場支五引牛田  
場支三引共二十五引備填帖內發  
商支塩三場將帖填寫商某船某於  
某年月日開駕離場

船塩運至閩安批驗塩引所驗明該  
所具由申報道司查考

凡西東南三路商人領引給半印空紙  
一張同引目牌帖赴場支塩半印本  
商齋赴上海牛三場填寫商某船某  
某船塩裝滿於某年月日開駕離場

訖即將半印投司稽查以便催促報到

凡西路商人領引給剝票一張同牌帖下場船裝鹽船鹽完滿駕至閩安鎮即將剝票一張投遞鹽引所該所將剝票連過鎮牌繳司驗銷

凡西南二路商人領引支鹽船運至閩安鎮本商具領告領給過鎮牌一張前去船過鎮牌限三日投銷該鎮具文繳司查考

凡商領引支鹽催海船運至閩  
安鎮流崎地方又催平頭溪船盤裝  
前鹽駕至南台倉前本商具領赴司  
投遞領給信票一張填商稍姓名鹽  
斤併倉號二紙封條四張給本商始  
運上倉定限三日完銷

凡西路商人運鹽盤貯南台倉完日該  
倉具結開商人某引鹽斤數貯倉明  
白結狀一張付本商齎投鹽法道  
領號票一張內開載引鹽二千三百

介侯當帶之日將票齋投運司填紅  
牌一面內填寫某字帶第幾號商人  
併船戶姓名引數鹽介若干桶某年  
月日給定限某年月日完銷同票送  
赴鹽法道掛號原票塗抹附奉

一天啓六年三月二十二日蒙鹽法道  
孫憲票據南台倉造報雅字帶商  
鹽船隻桶數文冊到道查得大船鹽  
數有由可查今用小船又加民船隻  
數既不置一桶數又不一齊若無由

崇禎查利夾帶私桶掣鹽官何憑查  
型備票仰司即便刊刻小票將大小  
剥及民船炤該倉所報裝載鹽若干  
補及船戶姓名開載明白與冊相符  
送道掛給船戶至掣鹽時執票查對  
俟吊空投司查填投到日期類繳鹽  
法道查銷仍移掣鹽官知會見在遵  
行

凡每幫十商內定一商爲綱頭炤數全  
刷本幫商人水客各合同憲單舊商

十張新商或二張或三張填實商名  
幫號水客單每幫一百三十八張各縣  
數不等填實縣分幫號引數蓬數具  
由批差首商賁赴

按院掛號回日仍具由差商迭赴  
法道將商單填出倉開駕賣完各日  
期用印鈐蓋發司轉發各商收領  
鹽客單填起程到開各日期徑發  
延建邵三府各縣轉給水客赴水口買  
鹽商客口憲單俱投水口分司轉繳

收銀

凡西路商鹽將到水口每號印刷水程票五十張送赴鹽法道掛號發分司每號粘引八道爲一封每水客買鹽一雙領水程票引一封照鹽四十桶到縣投銷該縣將水客所投引目季終類運司繳部水程票轉繳分司

凡西路商鹽到水口開經委官掣驗畢每商共該鹽五十艘印刷旗票五十

張同過關簿鈴印每客買鹽一艚分  
司給發旗票一張前去吊於裝艚至  
鹽過關日每艚一隻銷旗票一張以  
便查考

凡寧德縣漳灣等地方私煎細鹽原議  
每年十四船每船定三幫每幫黃崎  
分司給小票四百五十三張每張炤  
鹽八十斤運往福安壽寧二縣發賣  
凡連江等六港澳民認納課銀每港年  
給小票百零二張聽名該縣巡司

陸績追銀數多寡炤數給票同課  
銀送司秤納收庫其票具由轉送  
法道掛號發司轉發各該縣巡司給  
發各灣民收執每張炤塩一千五百  
斤完日投該縣巡司繳司轉繳本道  
查銷

計開

西路紅牌二十二面 東路紅牌八面  
南路紅牌一面 港紅牌一面